



10231

方山薛先生全集卷二十九

墓誌銘

墓碣銘

鄒山人墓誌



余少爲郡學生時見山人在諸生中

以能詩名余時方業程文山人每倡

間效漢魏語答之山人輒弗懌曰詩以道性情何

必乃爾故山人詩多所自得山人性曠達雅不好俗

儒訓既爲諸生久之遂棄科舉業徧遊吳中諸名

山馭馭有五岳之志旋以體不柰勞尋復家居不

曰一丘一壑均可寄興何必效司馬子長之游哉遂

即其家之北建祠以俛其如祖忠公浩且築之鄉臺

以寓景行之思山人家故饒裕旣爲公私所需乃

落殊弗介意日唯披鶴氅不戴九峯巾吟哦以自適

名其齋曰聽天自稱曰山人云山人姓鄒氏名承字

文謨聽天即其別號也居常州無錫之塘莊曾

祖忠父觀皆有隱行娶華氏贈兵部職方郎中

女生子男二同心娶陸氏同仁爲從弟紹之後

氏孫男女五人山人生

卒于嘉靖癸卯五月十五日年五十六卒之日正襟

端坐無一言及家事徐謂同心等曰屬薛考

端坐無一言及家事徐謂同心等曰屬薛考

方山集卷二十九

一

何汝



墓足矣是故同心服山人治命因其族兄鄉進士文徵詣余請銘余方懶於文未有以應也越明年甲辰同心將卜以十二月十八日塋山人于樂丘之原走留都官舍申銘者三余重憐山人之志且嘉同心之能藝文以世其家也遂銘之銘曰吁爾山人人亦有言美鬚則賢山人才志匪賢則然韜貞匿采永賁斯

陸東卿墓誌銘

廣東按察僉事陸君東卿歸卒之又明年其仲兄斥卿率其孤集詣薛子請銘葉稽顙泣曰吾父不幸死

矣吾父存時每對寮屬賓客及母子兄弟輒言自少受先生之知公餘宴息輒誦先生之言以教集今其前之石非先生其誰銘哉余悲惟曩昔取友于鄉其年之少于余者在武進則有唐君應德在無錫則有陸君東卿皆資性超越好問學能文章未幾應德以禮部第一人登進士余與君則又流落不偶者五六年至嘉靖乙未始同舉進士踰年君爲中書舍人需次調戶部員外郎郎中出爲廣東按察僉事前後十數年間督解遼陽軍餉巡視甲乙等十庫監收太倉糧儲催理兩浙漕稅整飭嶺西兵備君隨所事事夫

謨宣力不爲灼赫而權衡籌畫諸皆就緒惟嶺西居東廣上游與蒼梧岑溪接壤叢山險隘徑徃往往出沒流風鼓扇民多椎跣寇掠君初欲孚以誠信徐爲之圖旣夷情巨測嘯聚竊發遂贊提督參總相機盪定君體長神清倦勤輒病至是更有勞焉明年乘傳入賀途次疾作至浙省頓劇竟卒于舟時歲丙午四月二十七日也距其生弘治乙丑五月十三日春秋纔四十有二年不滿德用未究才君子惜之君諱子明東卿其字嘗以白菴扁其讀書之所旣仕人稱白菴先生按陸氏自宋尚書左丞諱佃之子宗仕爲

提舉由山陰徙居常州無錫之太湖桃墅宗生新城令演再徙徐陶爲錫名家其傳有諱敬中者洪武初徵爲吏部主事敬中生昌孫昌祚生綸綸生君處又介以貢爲浙江天台縣學訓導調江西會昌縣學教諭卒之日君方九歲今以君貴贈中書舍人中書初娶鄧繼娶范亦各贈封孺人君乃范出溫雅淳厚不落時格自零丁孤苦以取進士自布衣徒步以至方嶽大夫不事驕矜不遺故舊居今之世有若君者不可謂難乎君初娶施氏贈孺人繼娶謝氏封孺人子男二長卽集聘成次臬聘陳俱謝出女二爲施出者

嫁邵基爲謝出者受吳基聘葬之日爲嘉靖戊申各  
十二月十九日墓在邑之官山之原施孺人先君十  
六年卒祔窆于石塘祖塋之次至是遷與君合兆於  
乎君其已矣余於應德亦各稽違曠阻無復曩時矣  
存亡聚散真如泡沫此吾於君之銘不能不重爲之  
慨歎也銘曰大化流浪曰消與息人生幻化曰感與  
寂其唯達人觀化齊物嗟嗟東卿生則成名死則空  
璧始亦奚忻終亦奚戚悠然長逝返爾玄室吁彼衆  
生及乃貪烈各隨所殉其將焉極我作斯銘勒爾身

石

名彙卷三九

四

俞庭

陶子沾墓誌銘

陶子沾生三十九年而卒卒中有一年而葬葬之也  
一月其遺孤棟泣請于薛子銘其墓薛子字沾友也  
懷愴泫然因書以歸俾刻諸石嗚呼子沾已矣以子  
沾之事觀之古今天下之士一才一節附青雲而顯  
融當時聲施後世者不知凡幾其卓犖奇偉命世出  
倫者顧坎珂終身名湮滅而弗彰也又豈少哉子沾  
敢身玉立氣性豁達甫弱冠即欲陵跨揚韓掩迹顏  
孟嘗對鏡自言曰以若人而僅爲近代人物非夫也  
邑里儕輩遂目曰陶癡陶癡云乃子沾則寔不安於

凡品攻苦力學務究所志短褐蘊茅啜粟飲水陶然  
也久之貫穿經史百家九流咸汎濫出入及發爲  
文章則又勁切工緻無蕪辭長語初游郡學有司召  
之弗往選入國學祭酒司業亟問之亦弗私謁也旣  
舉應天鄉試再試禮部不第窮居一室杜門自樂飲  
酒歌詩形影相弔人以事干輒謝餽遺之弗受儕輩  
乃始曰陶子其果爲文章氣節之士哉至其妙悟大  
原上窺聖學則固其所自得而未<sub>有</sub>知之者嗚呼  
沾蓋天下士也邑里交游尚淺乎知之况寰海乎  
未識子者其又何以稱哉嗟哉子沾委骨原野蕭

徐一丘不得與一才一節之士並馳於世謂有去不  
平者邪雖然其與白髮蒙頭紆金橫玉而身集  
詭以死者則亦有間矣子沾姓陶名澤子沾其字也  
從游者稱爲樸菴先生世爲常州武進名家其先居  
橫山徙于郡城運河之南再徙城西之宋莊村曾  
某祖勗任寧海州知州父亮嫡母王氏庶母胡氏  
沾乃胡出也 弘治庚申八月二十六日卒于

靖戊戌五日

屬續符援筆致書以貽其生

及朋曰不立

何長別母老子幼望一視之餘無

口然而逝嗚呼死之際整暇若此此不可以

觀哉所著有近思續錄古本孝經解樸菴稿若干卷  
藏于家娶徐氏子男一即棟聘吳氏女一適謝某君  
卒之年棟方七歲幼且貧弗克襄事今爲縣學生漸  
有成立遂下地于白鶴溪之原以塋君君其有後矣  
乎塋之日爲戊申十有一月二十五日銘曰玉毀于  
璞孰爲圭璋金淪于鑛孰爲干將孰云可遏終不可  
藏還諸造物返此大荒川流嶽峙日朗星光將與地  
久而天長

邵雲山墓誌銘

雲山邵君之卒也其冢子德令長興聞訃奔歸哀毀

踰禮下地於黃沂之原奉君柩以塋先期泣血稽顙  
請余銘君墓前之石余惟世道日趨民俗不古江左  
風流常郡猶爲近朴沿習旣久亦遂好尚奢侈爭先  
勢利其有矯俗者輒又於人情太遠民眩觀聽罔知  
所措汙激相雜各務綠飾澆僞更甚武進無錫爲常  
屬邑王木當二邑之交寔爲陬鄙吾薛與邵托居于  
茲跨運河南北以相望世締姻戚唯先考功與雲山  
君守身樂道課農教子世業不替而余與長興亦相  
繼成進士鄉人慕效咸知耕讀晨夕汗陌犁鋤聯屬  
桑麻蔭翳而絃歌誦讀之聲亦且徹于閭巷矣嗚呼

行輩雖後吾先考功而務本尚實敦化善俗若  
相婉美者也君今卒矣可無聞於後乎君名一  
字大常雲山其別號也世爲常州無錫人 日祖瑜  
祖洪出粟賑民例授承事郎父昱感以仁厚禮義著  
稱君少承敦朴承考克家不事表飾服食器用務  
從儉質尤習於稼穡凡水旱豐歉能先時知備築隄  
濬流鄉人多利賴之方長興夫第時值余修學於德  
慶僧舍君令從余受易躬自酌率長興旣游縣學文  
譽日起君每戒諭勿以小成自安及長興舉嘉靖丙  
午應天鄉試明年丁未第進士選授長興君更以遠

文獻通考卷五十五

七

邵道

大勉之初長興欲奉君之任君乃曰縣令之職最弗  
易盡汝其國爾忘家庶克有濟長興乃汝治民之邑  
非汝私親之地也汝克供職以不負吾心其爲養也  
大矣長興服君之訓往即乃邑專心聽政倣古循良  
士民愛戴稱賢令焉是 雖不任寔於民物有造矣  
君生于弘治辛亥八月三日卒于嘉靖戊申九月十  
日年五十有八娶鄭氏子男三長即德娶胡氏次德  
娶成氏次衍娶吳氏女二一歸武進戚某一受丹陽  
姜某聘孫男五秉仁秉彛秉忠秉禮秉智孫女一聘  
於同邑劉某葬之日即卒之年冬十二月十有九日

時告之紀漢文皇時閭并年七八十翁皆嬉嬉然  
小兒狀蓋淳厚之氣所鍾也今以尹之淳厚而顧  
公斯焉是遵何說哉 豆豉其躬而豐其後邪抑造  
茫茫有不可以究竟也乃喟歎而系之銘曰嗚呼  
生可欲也彼罔而生者祇以勞其形死可惡也此沒  
而寧者乃以全其貞吁嗟乎君榮封可待上壽可登  
而皆不膺于情有墳斯原葱鬱盤君其允安蓋與  
元化而甲旋

石處二墓銘

處士強君文華之卒 且葬也其季子一鳳奉進士邵

石處墓銘

八

何歸

明甫狀請余銘諸墓石余憶曩昔讀書德慶山房君  
過余曰若欲讀書爲官人乎吾鄉讀書者未見其能

成也久之過余曰君之讀書其爲官人不爲官人

皆未可知蓋異於吾鄉讀書者也遂遣一鳳從余游

有時命童子挈榼自携壺觴就余飲余以飲少辭君

乃自斟自飲醉即卸冠就禪榻因鼻齁齁有聲及醒

乃謂余曰尹其以我爲醉乎吾見世人之醒者耽戀

於功名富貴沉酣於聲色貨利頭出頭沒日昏昧而

不知是其醒也乃真醉也一日又過余值有貴客在

立崖岸修邊幅君乃談笑諧謔如平時客旣去君

復謂余曰若其以我爲癡乎吾見世人之何者機械變詐以爲巧趨趨囁囁以爲能猿攀狐媚日勞頓而不覺是其儼也乃真癡也余時尚疑其言謂豈有所自得者乎及觀其居常率直任質不屑生產唯好觀史書及朱子通鑑綱目每袖一卷編秩盡脫夏日坐茂樹則爲親黨子弟談說歷代絕續及謀臣武將方畧或晡時出行獻畝與田夫野老相問答凡水旱豐凶之驗及鄉閭閒家世來歷咸能一一道之有當意者輒攜共飲飲必盡醉曰床頭醖熟正吾適意時也君與俗無忤唯見好訟者輒弗悅故終君之世鄉

族各安於田里而罕識官府者皆君所感也君非有所自得者邪君姓強氏名燦字文華別號養心按狀強之先自宋尚書名至者生子浚明由錢塘徙居常洲無錫之五木數傳至基生餽餽生澆澆生承事郎椿娶鄒氏生子五人君行居四兄弟皆堯於貲而君獨清約茲亦可以觀君矣娶陸氏子男三長一龍次一麟次即一鳳府學生女二人孫男女五人曾孫女一人昏聘皆士族君卒於嘉靖戊申正月十三日年六十有七卒之年十二月丙寅塋於彭村祖塋之次嗚呼昔人稱漢陰老父江上丈人說者謂爲寓言或

有所托而隱者也今以君觀之殆其人與是故可銘也銘曰古有至人抱朴含真逃名適志混跡同羣嗟哉斯世寔唯有君君有子耕君有子讀以克厥家以綏後祿君樂斯丘元無樵牧

楊介石墓誌銘

余少時見無錫楊澹成先生博學好古嚴毅執持自舉進士以至棄官歸鄉里於人無問內外遠近罕所當意獨於其姪介石君則每每稱許謂其實任敦朴不同於流俗也余方業程文僑居于錫與澹成先生比隣嘗見君出入輒呼生藍衫恂恂徒步或時游

息則緇冠布衣怡然自適學士大夫咸信澹成之言而知君爲有道之器下至閭井童豎見君至輒相率曰楊秀才來矣遂爭趨迎視或追而隨之蓋君貌古色溫不徇物亦不忤物故能動人如此每過余必講論理道旁究經子余嘗以古人目君君亦不以少年視余唯時往來甚密旣澹成卒君又屢試場屋不第遂僻居冷村不入城市杜門讀易課農教子絕意進取掇粟飲水晏如也晚年遣子翰從余受易余時時詢君動止益知君所得更深方冀與君論質而君顧逝矣翰受君遺命泣血稽顙請余銘諸墓石余遂按

狀書之君名江字大源介石其別號也晚又更號貞  
靜居士楊之先江西吉水人宋建炎間有名於時者  
倅建康死節謚忠襄紹興初徵其子璿赴行在璿  
居於杭璿生時澤時澤生宣義郎燧乃自杭徙居常  
州無錫之鴻山燧生將仕郎宗達元兵至常州時與  
仲子濟良逆戰死之宗達生震發咸淳九年進士爲  
餘干州教授震發生文炳爲常州路判官文炳生獻  
爲無錫州同知獻生諱洪武初補博士弟子員寔君  
之高祖也代有聞人故人稱鴻山楊氏云諱生紀紀  
生志志生壽壽娶華氏生君兄弟五人而君行居長

君之生宜其家落事父母必竭力共爲子職家事總  
總一不煩諸兄弟諸兄弟性氣不齊君恒委曲其間  
率皆雍睦諸有外侮君輒以身當之君之父未老即  
安而諸兄弟垂老不識官府者君寔爲之也君雖處  
賈之而見義必爲族人有客死於外者返其喪而塋  
之親友富貴者召君多弗往往亦弗利其有平生耻  
談人過而樂勸人善每笑語中亦自有箴規之意凡  
先世懿行及時事之善可爲法者輒書之所著有備  
志錄六卷君生于成化壬辰六月二十九日卒于嘉  
靖丁未十月十二日壽七十有六卒之日惟以宗譜

墓祠未及修復爲歎餘無一語嗚呼此亦可以  
觀君之大都矣君初娶呂氏繼娶顧氏嚴重勤儉甚  
凡其家先君 十九年卒寔正德己卯八月二日也  
才四十有 君念之乃不更娶于男三長渠次即  
休縣學生次葉孫男女 七曾孫男女各一氏皆聘皆  
士族君卒之三年庚戌正月某日塋於邑之東潞村  
祖塋之次先是顧孺人祔塋梁鴻山麓至是啓與君  
合兆云銘曰深山幽澤芝蕙自芳明月夜光未必盡  
登于廟堂句吳之野有隱如君今之良士古之善人  
乃竟抱璞以終厥身鬱鬱斯丘不亡者存嗚呼奈何

半君

陳石村墓誌銘

石村陳君之卒且塋也其子以忠既君歷履衰絰詣  
匍匐稽顙泣而言曰先君塋有期矣以忠無似尚  
有以顯吾親願乞先 一言垂諸墓石既其師邵  
明甫爲之申之且以忠亦嘗受易于余而石村  
茶所與知者其又何辭遂按疏書之君姓陳氏  
子某初號古塘更號石村陳爲無錫著族南宋

淵之才者兄弟同舉進士再傳至某勝國時  
海洪武初自嘉定復徙錫之山壩寔君之曾

祖也。祖某以貢入太學。歷官四川廣安州同知。父周登成化辛丑進士。歷官河南布政司右叅政。卒于官。君生纔四年。稍長。就學于其母舅華尚古。君早年病肺。舅氏憐之。命應例補德府引禮舍人。君謝不往。性好書。尤好吟咏。漢魏六朝。初中晚唐人詩。無不涉獵。出遊遇佳山水。輒徜徉忘歸。四時乘興。有浴沂風雩之意。築臺家之南。植松其上。題曰獨嘯。時挂琴松間。風來自鳴。危坐聽之。故其發爲詩章。多所自得。至治生。則又經理有道。未嘗以此廢世業也。闢園植果。時自芟灌。遇士大夫。則折梅贈李。歲致殷勤。嘉靖初詔

舉賢良方正。或謂君曰。盍圖之。君笑曰。賢良方正。顧可圖也。往吳康齋推轂于石亭。君子猶未愜焉。吾何敢以此爲哉。自是罕入城。疇昔交游。稍稍辭謝。時乘小舟扁曰采芳。往來溪澗。曰。吾以此終其身足矣。君性孝友。慈惠。每念不及事。父謁祠堂。則泫然泣下。有從兄老無所歸。時爲解衣推食。其姊妹之有家者。則問遺。不絕。教子則愛。而知勞。必遣從名師。良友於鄉人之空乏者。則務爲周恤。雖傾囊弗靳。嗚呼。若君者。可不謂今之隱君子乎。君生于弘治己未某月日。卒于嘉靖己酉六月二十一日。年五十一。卒之日。作

書別諸親友且呼以忠教之敬慎當此病

周詳若此其亦不惑于死生之際矣所著有

人吟稿藏于家娶華氏前光祿署丞程之女子

即以忠縣學生娶王氏女三長適秦進士梁次

學生華一夔次適胡同祖孫女三長聘於徐某

於王某皆士族次未聘以忠卜君卒之年十二

日奉君柩于邑之某原銘曰嗚呼昔人有言不夷

惠居身之珍我觀斯世君寔其人謂君有官而君

曳裾于王門謂君逃名而君頗有聞於士林嗚呼

乎其殆有得於窮達顯晦之際而非拘方着相者之

可倫賁幽宮而不隨物化今尚永徽于斯文

### 鍾廓菴墓誌銘

廓菴鍾君卒於吳江官舍其子崇文崇武扶君之柩

將歸塋於其鄉之某原衰絰啣哀持南兵部主事司

野劉君狀詣薛子請銘薛子往署白鹿書院崇武

從問禮知君有素銘其容辭按狀君名任字重宣

西南昌人也鍾爲南昌著姓君之曾祖伯恭祖叔

皆有隱德至君父光業朱氏詩爲邑博士弟子員

娶徐氏繼陳氏生君君生岐嶷襁褓時即善對榻

冠籍名縣學紹父業已嶷嶷露頭角矣值父病日

董稅賦歲歎民多逋負君遂整產償之日惟課子  
不爲學故其二子暨諸子沂相繼登第弟賢亦稟於  
君侗儻卓犖少善奕時寧濠方熾招致賓客藝士  
以召君君遂歛跡不入城府屬又惡少賈濠之勢  
聚村境爲民害鄰有能婦者資稅爲諸惡攘奪輒  
縊將絕君聞之亟往解懸且奮然力追所攘婦乃  
以甦惡黨銜之竟亦不能害君君之弟季繼母李出  
也將析居於外季不欲其外徙君遂以祖宅讓之而  
自居於外其出於心義類如此君蚤歲艱於得子及  
生二子時已垂四十矣比長君乃謂吾鍾數世儒

業予愧不能光大吾今有子可愛而勿勞不竊附於  
庭訓之義取方是語崇文曰汝其學詩乎語崇武曰  
汝其學禮乎二子承父之志各占一經游歌郡學並  
以文行名于時嘉靖癸卯崇武以禮魁鄉薦庚戌舉  
進士選授吳江知縣持廉秉正威惠並著士有師民  
有父母君子歸君之教壬子崇文以詩舉于鄉一時  
其俊率先推讓二難趾美君教益彰方計借上春官  
亦躍然有出游之興遂游葛溪下桐江涉錢塘以

杯諸勝因觀政于吳江會崇武將述職乃留八

雅志江山自是蕭蕭鑰不出手書岳武穆集

一帙賦詩二十餘章以需崇武北還忽疾作遂不起  
癸丑正月一日也距其生爲成化己亥五月一日享  
年七十有五君平生力於爲善置義田以恤宗祀修  
橋梁以利民涉諸凡有益於人者不憚捐已爲之晚  
年更悟於往來消息之理而爲善益堅唯是南昌稱  
善人者必首舉君云君娶田氏生二子長即崇文娶  
萬氏次即崇武娶胡氏女一適喻某孫男五爲文出  
者曰顏府學生娶樊氏爲武出者曰益聘陳氏曰濂  
曰龍曰夔俱未聘孫女一亦武出納萬僉憲仲子某  
聘嗚呼君以向往之學邁衆之才沮於家累格於世  
用然不于其身于其後人而厚積餘慶於是乎足徵  
矣宜銘其墓以爲世勸銘曰人謂天道平分常與善  
人又謂明德之後必有達人自古已然然匪今斯今太  
中不作明允久湮我懷若人非君其孰與倫洪都之  
野有畢者墳封章寵錫行且游臻我銘在石永世攸  
聞

沈夷齋副憲暨配顧孺人墓誌銘

嘉靖乙未春余與夷齋沈君同舉進士初見于南宮  
即歡然相入旣復試文華殿君入爲翰林庶吉士  
乃謂余曰仕以行志亦何必清華余頗訝其語旣乃

舍與余相近數數過余論學論政余益知其忠  
正直不爲世俗粉飾交游之態未幾余外補踰年  
亦散館授吏科給事中遂奮然以言責爲己任上  
訶請數御經筵日臨便殿懇懇數千言言涉干抗  
優容之薄謫浙江布政司照磨即素位循分承受  
上官差委務勤幹濟時決滯訟賢明之聲徹于上下  
君固不以曾歷中秘青瑣自矜人亦但知其能盡職  
而忘其爲謫官也旣量移南國子監丞整約諸生有  
文有實是時馬文簡公爲祭酒今大學士南渠李公  
爲司業咸稱其賢數與講學論道若寮案然進南武

庫主事儀制郎中曹多暇君益種學績文時出登  
山臨水意豁如也及陞承天知府遂經理庶務築堤  
捍水抑強扶弱威惠並行闔郡懷服一切營建悉心

區畫制使不勞間并不擾工獲就以上偶月之陞

浙江按察副使巡視海道初近海勢家交結任俠通  
番賈利習以爲常往往爲之嚮導殺人劫財官府稍  
設防禦輒以捕魚採薪爲辭多方萋菲以致其去位  
乃已唯是官茲土者雖知其奸乃率隱忍以延歲月  
不敢摘發君至下令敢有犯者必如例處以極刑全  
家戍邊乃竟蒙譖被論改調廣東副使履任甫半載

政事籍籍有聲雖犴犴亦知感化壬子秋入賀寓京  
邸聞黃巖爲海寇所陷浙東沿海諸處焚掠幾盡君  
仰天歎息憤懣不平者久之忽疽發於背以卒卒時  
顧謂其僕曰吾上負報主之心下不負於母之事餘  
無一言嗚呼君之志意可悲也哉先是君之配顧孺  
人卒於官歸其喪尚在殯至是其子數言迎君之柩  
卜以明年冬十二月甲申將合塋於其鄉黃坡  
之新君之壻吳江縣學生顧曾瑜嘗從余受業數  
言偕以詣浙奉君弟之狀請銘于余余固知君者  
銘其容辭君諱瀚字原約夷齋其別號也世爲蘇州

吳江人曾祖政祖達皆有隱德父玘以君貴贈吏科  
給事中母李氏封孺人生子四君其長也君自少岐  
疑秀穎氣志不凡尤爲給事公所鍾愛遣從名士游  
弱冠爲縣學生即有文譽年二十四值給事公喪諸  
弟皆幼家值空乏君哀慟迫切竭力營塋既乃授徒  
治生不憚勞苦教養諸弟曲盡恩義雖爲之兄實有  
父道戊子與應天鄉試悉以先世業暨諸所遺推  
與諸弟而一無所取及登進士所得俸資乃又分遺  
故居官十有八年位歷方面四品而薄田不過五八  
君之大都於茲益可推也配顧氏汝寧知府之女

在室故豐裕及歸君勤儉孝敬而麻泉酒漿之屬悉躬執勞動雖受封孺人毘勉一如往時君得遜志於學殫心於官者皆其助也君生於弘治丁巳七月二日卒之日爲嘉靖壬子八月十一日年五十六顧孺人生於弘治己未七月三日卒之日爲嘉靖壬子三月四日年五十四子男一即歿言國子生娶張氏女一壻即顧曾瑜孫女三長聘於曹僉憲孫大夏次聘於吳工部郎孫燭次幼未聘嗚呼君始以一官之故奔走南北而夫婦各殞於異地然終克同穴以藏生順死安亦何憾哉銘曰人才難得自古已然然而有才者又多不得究其才無志者多舉世通患然而有志者又每恨於齎其志吁嗟乎君志存匡世才本出羣方成輒毀幾至沉淪誰其尼之有天者存人心不死長正令聞

徐雪井墓碣銘

漢太史遷稱范蠡治產積居分散與貧交疏昆弟此所謂富好行其德者也乃其人遠矣然聞其嘗往來于吳市門今吳市門襲其風流則有雪井徐君者云按狀君名耀字文彩別號雪井其先世爲江西南昌西隴鄉人宋淳熙間有名壽者以賢良徵典教常熟

即其直塘里居焉迨元有名士瑛者爲錦城主簿  
瑛生公大公大生淵淵生子三其季子朴善治生  
遷封殖業日以起初娶張生子煇繼娶李乃生君  
性孝友弱冠值其兄以郡諸生遇例補太學父命  
兄赴部途次疾亟或勸之返君力事及父疾  
躬侍湯藥罔晝夜間居喪哀毀特至旣  
業遂自奮勵相時權物積著盡變廉取厚蓄益大厥  
家故吳人之稱富者必曰常熟徐云初君家籍太倉  
間有不相能者君孫于長洲族人復有辭君曰利以  
和義遂以三千金分貽之歲歉應平糴令恣民所取

其諸建警局設義學振貧窮釋逋負修閭闔補縣帑  
凡所施舍類皆不貲又奚啻三致千金而分散之邪  
教子務以義方勿縱逸勿過勞唯是其子履祥績學  
好修與余同舉甲午鄉試然君讀知命豈直悉人  
情之變遷泉貨之流布哉雖死生之際亦若寒暑晝  
夜之往來通復無少係吝歲丙申登晨臺山而樂焉  
因卜于其麓逾年己亥某月日遂卒距其生成化  
某年月日年凡若干娶張氏繼娶楊氏王氏子男四  
人長卽履祥次履中履和履道女二人孫男女五人

皆聯姻士族君卒之又明年庚子塋晨臺山之麓卽

君所卜藏也嗚呼昔鄒魯以齊邴氏之富多去文禮而趨利此固無足道若君之好行其德而有范蠡之風其視高談異行之徒佯耻貨利往往攘攫潛所守者其賢否何如哉是君固可銘于墓上者也  
曰玄宅疇封達士攸崇善必有后報施不窮來章  
錫尚賁幽宮我銘在茲用考厥終

方山薛先生全集卷三十

墓誌銘

劉懷耕墓誌銘

嗚呼此懷耕劉君之墓也余忍銘君墓哉憶自嘉靖初元余與君之內舅今荆川唐翰林同爲郡諸生結會藝文每過君家輒論議移日君數飯余二人余二人常譁君爲漂母也於是君亦能文爲縣諸生以被誣尋除學籍余與荆川則後先舉進士再過君家君遇之如初旣君納例爲戶部書算入京師京師一時聞人如任南充羅吉水諸公咸善君君處之泊如無

幾微內交借重之態以是諸公謂君非世俗人也益善君每過君所留連忘去君注選歸亦絕口不道京師交游事一意養母恬於仕進遂家居不出性厭貨利不屑屑爲治生計惟是故業漸替親戚多貴人君相視落落惟婦翁永州知府有懷唐公則視君如子君亦視之如父及公卒鮮有爲君援者自是君遂疲於往役而疾作竟至不起矣余遭謗廢棄愧無能報君尚忍爲君銘哉然君之子昌祚余門人也乞銘再三而君之女歸余兒近魯故舊之情通家之誼又奚忍以弗銘遂參徐進士狀書之君名大中字宗堯懷

耕其別號也祖衍父廷璽世爲常州武進人有隱德而饒于貲人稱爲驛橋劉氏君生十年而孤育于母躬教性率教有懷唐公見而竒焉遂以子妻之唐壻多賦融獨君不仕坦然不爲之意而有懷公於君則獨加敬愛寔君有以致之母蔣孀居數十年君朝夕服勤得古人子事親之禮母年已耄羞而氣志怡如昔君之孝養備至也君性仁厚周急恤難掩骼埋胔雖傾囊不惜其於驕奢矜炫之事則一切謝絕不妄捐一介也晚病耳益務簡靜惟時與方士往來以談二氏之學究其所適直有蕭然物外之意矣故臨衣

而不一及家事也卒之日爲嘉靖丙辰五月二十一日距其生爲弘治甲子二月初八日享年五十有一

娶唐氏卽有懷公女荊川君之姊也子男四長卽曰

祚縣學生殖學績文方進朱艾娶蔣次昌胤娶周次

昌國次昌德俱未聘女三長適高可登次卽歸余子

近魯皆府學生次受蔣如金聘後君兩月而歿孫男

一孫女二君卒之年十二月十九日昌祚等奉君柩

寔於周莊村先塋之次嗚呼君平生質任自然無巧

言令色心體寬平不忮害刻忌故於余相信以全死

生之交仲尼嘗歎善人不得而見今君君者也

耶是故可銘也銘曰

嗚呼人有恒言天道平分常與善人爲善最樂君所  
故聞當是之辰逸君以死而不勞君以生天與君樂  
我銘在墳伊誰觀乎九原其尚有考於斯文

蕭母董節婦墓誌銘

寧之涇縣有節婦曰蕭母董孺人云孺人故贈監察  
御史鍵之仲女也母某氏孺人小字冬冬生稟靈粹韶  
亂卽貞靜閒雅默合則度父母奇而鍾愛之曰其古  
之所謂女士也夫異時必爲良婦及笄爲之相攸以  
同縣蕭君煥賢遂女之孺人旣歸蕭恪共婦道事其

舅太學生篤與其姑徐如事父母承順夫于諧和妯  
娒撫恤幼叔幕酒漿縫衣裳凡所當事靡不躬執其  
以而恩義旁逮閨幃雍睦門屏內外則斬斬如也舅

姑家人罔不宜之甫三年夫君病卒孺人年才二十  
有二哀毀仆地誓死以殉舅姑委曲諭之曰吾年亦

旣老矣而夫又無所出若其必死吾等與而夫將何  
賴焉孺人乃泣血歎曰死吾分也爲夫事親立後亦  
吾分也于是忍死以襄夫事遂幽居屏跡宗姻戚黨

女奴絕弗通往來而所侍幼婢亦不敢一出戶庭如  
是者凡四年乃請諸舅姑告于祠堂立同室子褒

爲嗣以主祀事朝夕撫育愛若己出而訓以義友他  
之出就外傳若素聞養蒙之道者比褒稍成立則自  
慰曰吾君子其有後乎孺人自孀居追思沉鬱多病  
病發輒危某年月日卒距其生爲某年月日年五十  
二將卒時子女宗戚上下咸哭之慟孺人張目曰吾  
爲先君子後嗣死已晚矣幸獲完節蓋棺見先君子  
於九原無醜顏矣尚何恨哉遂怡然長逝遠近聞者  
莫不傷嗟稱歎謂蕭氏有賢節婦若此云褒執喪盡  
哀如禮以某年月日合葬夫君墓墓在其邑鳳凰山  
之陽塋迨今凡若干年矣褒卒業太學時時追思之

乃請同舍壽春豐村魏君爲狀請薛子頓首涕洟曰  
褒不類有母貞節不能顯揚比亡時孤且少不獲銘  
而痛隱骨願乞一言以垂不朽如是者凡數至余因  
憶初入仕時董晴溪御史時爲海鹽令嘗與余道孺  
人貞節事頗詳有感于褒久矣茲褒又爲之請銘焉  
豈孺人之節固天地爲昭鬼神與質自有不可泯沒  
者哉夫妻之事夫正之事君一也彼鬚眉男子讀古  
人書以干仕進而受君之寵祿者何限然營私顧身  
或計小小利害則輒甘心背蔑者蓋滔滔也孺人以  
閨闈弱資當南盛之年乃能師心率已爲夫守節俾

之無子而有子既死而若生所謂無成有終者非孺人其誰哉是不特可以爲婦人法蓋寔可以勵臣道愧事君而懷二心者也顧乃彤管未書令聞猶掩豈所以表賢崇善激揚貞風哉余故爲之銘曰嗟嗟孺人志存匪石行稟嚴霜五十而死千古垂芳不毀髮膚不經溝瀆竟以保君子之宗祊死事易成事難蓋與古聖哲而頡頏勒茲銘于貞石允矣地久而天長

邵左江墓誌銘

邵君諱芸字德馨左江其別號也世爲常州無錫人

高祖某爲縣學生業尚書久之不第遂棄去唯是君之曾祖某祖某父某懲先世讀書弗效皆別治生至君生岐嶼秀穎甫就外傳卽慨然曰尚書吾家故業也可遂廢乎於是朝夕誦讀寒暑不輟總角從邊伯山習舉業邊時未第又鄉村任質人鮮有知者君獨擇而師之邊見君文亦時加歎賞旣邊舉進士乃從顧錫巖先生游顧先生賞識君一如邊正德乙亥恒山張公爲提學御史試諸生巖鮮所許可君時方弱冠張公見君文甚稱之選補縣學生自是文譽日起君故市居賦性恬逸厭塵囂誼雜每攜書

悅諸僧舍居之靜養深造玩索研窮務求其至凡所  
游者皆一時俊彥其間有貧不能所者君弗吝領  
以周之及君累試于鄉不第年駸駸邁矣諸俊彥  
均顯官有視君落落者君皆弗往甚至貧時受君  
有稍稍僅乃輒凌君君笑領之亦絕口不道往  
事蓋其性度平夷識見曠達視富貴榮利真不啻  
若飄風驟雨之在前而未嘗一爲所動也及遭父喪  
曾祖母祖母皆相繼淪謝君竭力營葬如禮旣免喪  
年已五十忽歎曰人生於世如駒過隙箭赴的耳  
所圖進取者大率爲親也吾少壯不及祿養吾親而

欲衰年作馬牛以爲子孫計邪乃呼二子曰若輩讀  
書勵行勉自成立吾夙志不遂已爲物外人矣於是  
棄去聲律訓詁一意詩酒自娛遇山水嘉適風月清  
朗則徜徉嘯歌或窮日夜而不知倦也嘉靖丙辰二  
月五日值君誕辰乃戒樽俎手自爲書以速親友若  
將有遠行叙別狀旣遠近親友往來絡繹不齊至四  
月八日燕始畢君遂溘然長逝嗚呼亦異矣哉君生  
弘治丙辰至是壽六十一君娶某氏子男二子才

良俱縣學生孫男二孟復孟聞孫女二昏嫁皆十  
卒之又明年七月某日子才等奉君柩葬于邑

之九龍山馬鞍塢但坐之次君固余少時筆硯之友而子才子良又全人也子才疏君歷屨詣余請銘余不忍辭遂按阮次之如右而繫之以銘曰

吁嗟邵君有邁迹自奮之志而數弗克遂有遺世子立之風而人不及知俯俯然常齊物而和光浩浩乎不隨俗而妍媸昔人謂知我者希則我貴我觀君乎其庶幾勒茲銘于貞石叙遺逸者其尚有攷于斯

吳鎮之墓誌銘

學生仰止吳君鎮之之卒且塋也其從弟進士猷狀緘辭令其子之望走余鍾山流寓乞墓石余

曩與鎮之同游郡學知其爲博雅敦確之士而高之又余門人也銘其敢辭按狀君姓吳名嵩仰止其別號也吳之先出周太王長子之後世居常州無錫泰伯鄉之梅里至君之曾祖清徙郡城始籍武進清生元元生二子大經大綸大經娶陸氏生子三人君其長也君家素饒於貲君少卽不屑生業博綜藝更圖樹立初爲郡學生時自以旦夕可取功名一不如意遂就例入太學又屢試不過乃歎曰漢司馬相如

入貲爲郎終以文學辭賦雄藝林以遂題橋之志君獨非夫也與哉於是益日奮勵問學日績無何次

曰凡吾所以為取者

之榮哉正

吾願畢夫

詩以自娛樂或之曰

一區子君笑曰吾以不

能摘辭藝林以取上

董穉之憐縱非壯夫亦弗為也

日與田夫野老倡酬往返而軒冕之客一功謝去

高人道友過訪必留連欸曲擷園蔬野菜具雞黍壺

觴務以盡歡而世俗盛筵鄙不為也朋友不足者

才全集卷三十一

八

張本

以負所貸無幾微見於顏色而弟之間尤忍禮泮

咸稱其為聖世之逸民其信或方淫疾即製衣

衣棺槨所寵待妾媵量具賞豕之語家人曰

非忍也恐吾死有遺累也此輩去可了一而逝

矣未幾怡然而卒嗚呼若君者可不謂視死如歸者

哉君生于正德丁卯某月某日卒于嘉靖丙辰八月

二日壽五十一娶濮氏于一卽之望妾氏出也聘

錫李戶部章菴君之女女二濮出長適青田知

徐君某之子敷吉次適縣學生金君某之子于相

子之明年丁巳十二月十八日之望奉君之柩付

徐湖祖塋之次嗚呼昔韓昌黎爲太學生何蕃作傳稱蕃之行義惜其居下而施於人者不流也君因蕃其人也余獨不爲君惜哉乃爲之銘曰

曄曄吳宗肇自勾吳載徙延陵族系蕃靡有開必先雍札貞孤風流百世孰與之徒有如君者其庶幾乎君登選籍只尺仕途棄不復顧灌園辟纊達觀究竟千乘一簞何細何麓不爲所動均視如無嗟彼齊人昏夜是圖以此論君誰曰非夫有封若堂永耀徐湖

王母蒯氏墓誌銘

嗚呼此王母蒯令人墓也禮內行不踰闕教令不出

閨門蒯之墓余何以銘哉蒯之仲子王穉登爲縣學生與吾子爲文字交匪直攻進士業其諸古文辭逼

六朝字畫逼晉余才之間與論文及漢自持甚堅蓋穉登父可立商吳中穉登從父在吳中久吳中文多尚六朝習也旣乃見關西王允寧集輒翻然易嗜好

於是爲文駿駿乎擬西京矣而吳習亦因之一變余益才之今年秋杪乃自撰其母蒯令人狀請余請銘垂涕而道之曰穉登之獲交于先生父子蓋有緣哉

自吾祖德敷公嘗往來於先生之先考功矣余因憶弱冠時有王七官者商于吾鄉吾先考功相見甚謹

今知王七官者

人路哉按狀令

通刺是良皆為世品

叩拜大司空寔人入五

娶鈕乃生令人父母為

德敷之冢子也生二長曰

一孫男女二八嫁上族令人

月五日卒于嘉靖己五月二十六日

辛酉十月十日葬無錫西門祖塋之

在廟為孝女在婦為

夜囊三

十

張本

趙超曰丈夫之曰其在釋登伏中且勿即聰

慧通經小學諸書及嬪而有子每旦且

口呼子釋登之哉又吳俗尚鬼令人於

尼媪之類絕而勤儉治生女能相君子

及其業不啻古也嗚呼且之風矣是故可也銘

口聞委于腕有芬其芳玉沉于心有潔其光彼美孟

燒古姬姜有子發祥而

鄉文徵墓誌銘

名應奎字文徵齋居玄江戶號鄒自宋追鄉

以理學行義聞于時其必第之士稍稍繼

起而卒莫能有嗣其學者君初以文藝舉嘉靖庚子  
應天鄉試辛丑壬寅間卒業南雍歷事南考部值余  
爲郎中君每見余輒鄙文藝爲不足學務究心理道  
時適有僞徒專謔口說以炫觀聽余方厭之君曰學  
之不講仲尼猶憂彼僞者自僞耳若遂因而輟焉是  
見則者而欲廢天下之屨也自是與余相詰問或窮  
日夜遂玩心高明窺見本體而記誦辭章之習一切  
謝絕如是者凡二年別去署山東歷城教諭首至卽  
刻象山白鹿書院講章以授諸生俾先明於義利之  
辨齊東爲之興起尋遷長清知縣百度振舉率先禮

樂儼然言游武城之政一時士民德之而山藪聚盜  
亦皆相率歸化仕優則學有得輒書題曰日脩記不  
遠數千里專使示余質證且寓書曰先道鄉公獲與  
龜山先生游而學益進吾雖無似而公當無讓龜山  
也余愧不敢當而欽其嚮進之志則寔非出入於口  
耳聞見者可擬議矣君在長清再踰年因母華太孺  
人思歸屢乞致仕上官不允君遂徑解印綬去旣歸  
林下奉母周旋不問家人生業屢遭重役耻于懸官  
以是家日落或謂君爲迂或笑君爲拙而君固怡然  
自得也君幽居簡出唯與余則扁舟野服歲常一至

至則相視一笑投壺飲酒掀然浩歌而往日異同亦  
置不論余以是益知君大有所悟方將倚君爲暮年  
之助而君已矣壬戌之冬十一月君之子鳳儀姪鳳  
鳴持華師魯狀詣余拜泣請銘君墓上之石余惟君  
讀書爲文廉靖恬淡人所知也而君之學有所得人  
或未盡知也故爲之書其大者而按狀以及其詳君  
之先世爲晉陵人自道鄉先生浩之後有名村者徒  
無錫之秦伯鄉歷國朝而族日以盛至君之曾

賢祖魯父申皆饒于貲而以隱德著稱申娶贈職  
中華某之女旁通書史君之母也君少在襁褓

承訓而君之弟應參與君相善而鄒之稱孝  
君兄弟應參先卒而君悲悼不已其子卽鳳

學生君視之如已子焉君生于正德丁卯七月

三日卒于嘉靖壬戌七月八日年五十六娶華

子男二長卽鳳儀縣學生娶華氏山東副使金

次鳳翱娶蔡氏女一適長洲譚晨鳳儀壯未

命以鳳鳴之子近思爲子孫女二未聘鳳儀

君卒之明年癸亥春三月十有九日塋君于

先塋之次嗚呼道鄉卒而龜山序其文以

而余乃銘君之墓余雖不若龜山而君之

也銘曰君之學不求人知而寔  
大被于時而定乃繫一方之思  
者在知我者希非君其孰能與于  
知能與于斯

吳汝進墓誌銘

君同爲郡諸生日相性復時其父求  
君慎於擇壻賀君汝進尚幼在所擇  
者君后峰董君堯衢玉君皆後先舉  
而賀君僅爲太學生不獲一第然一而求  
賀君不置余與賀君隔縣旣而奔走中

父罷官避寇金陵迂道經賀君之里君  
然若舊知而體度疑重言論篤雅其視  
岫蓋蔑如也余默識君之賢其超於

平夏忽聞君計余爲悼之秋九月其子

邦教邦禮邦典鬩然衰經介吾門人武

昌祚請余再拜出君之從子南京兵部

狀請銘君墓余旣知君賢又劉生之父

州公之壻而吾子之婦翁也通家姻婭誼

一按狀書之君諱鏗汝進其字也賀之先小

後避漢安帝父清河孝王之諱改慶爲賀

三世有允中者宋紹興間爲給事中權吏部尚書家  
于蘇州傳至善甫徙居丹陽縣南善甫生德高仕元  
爲鎮江路倅德高生仲欽再徙邑之蔣墅仲欽生以  
忠以忠生愷愷生敦敦生玘君之父也世業耕讀習  
禮讓爲丹陽望族玘生七子君行最少甚所鍾愛旣  
延師以教諸子又擇蒙師以教君故君雖八歲遭父  
喪卽能哭泣如成人禮稍長諸兄督責過嚴君怡然  
受教早游鄉校卽有文譽尋循例入太學再試于鄉  
不第乃慨然曰古人之學豈專事舉業哉遂棄去課  
試之文勵志聖賢之學事母從兄篤於孝弟謹身節

用益務儉勤時從其婦兄荆川君游上下其議論而  
每有所自得時荆川之門多有以御李識韓爲幸者  
君徐曰學貴務實須尋血脉路頭下手致力以求終  
身自有受用徇名何益哉衆皆感服歲乙巳大饑君  
出米六百石以貸鄉人及覩流亡之狀竟焚券不責  
其償或稱君君曰儒者及物事不止此吾唯盡吾力  
之所能爲者耳卽此一端而君規爲志慮辨徒事口  
耳之學而識見淺隘者可擬議矣然又不事虛異矯  
激之行而課農力穡業日以裕嗚呼若君者謂爲古  
之賢良方正孝弟力田者非其人邪向使其出而宰

某原先期衰經涕洟持君之從弟進士嶼南君堦狀  
詣余請銘稽顙而言曰吾先君平日每述先生之文  
行以勵吾輩病且亟矣猶願得先生銘以葬余聞而  
悼之因憶正德乙亥君年十八余又少君二年皆知  
業文相率就試于提學御史恒山張先生先生嚴厲  
或謂君尚少姑緩之君顧余曰入學鼓篋童子事也  
吾與若且儕于冠矣况師嚴然後人知敬學更何畏  
哉既試君入縣學余入府學自是每臺試輒各居前  
列而君竟數奇屢試應天不獲一第余每爲君不平  
君曰少不若人老當益壯假我數年當與君相後先

也既而居母憂哀毀成疾又不忍以家事累其父乃  
兼治生業而績學不怠迨歲丁未提學象岡胡君考  
南畿貢生得君文大驚曰此科第遺才也行當不負  
及以貢上春官再應已酉順天鄉試又不第明年余  
爲祠部郎君每過余邸舍論說平生辨析理學輒連  
日夜雖慷慨之氣不減於少年而涵泳從容則更有  
所自得矣時京師士大夫僉謂以君之養姑就太學  
以佚再舉當必取高第以酬夙志君曰吾父年高美  
及此而不爲祿養非人子也遂就吏部選得鄱陽縣  
學訓導奉父俱往在鄱三年入則問安視膳出則敬

教勸學士類悅服一時撫按諸司暨府縣守令咸器重之提學副使篁溪鄭君謂君才堪決科送應江西壬子鄉試又格於數癸丑以父憂歸鄱之士大夫暨諸生咸爲文言贈惜良師之難得也及歸讀禮小閑不踰鄉俗感動丙辰服除授祥符縣學訓導其教規一如鄱陽汴有嵩渚李君博學能文君日與倡酬互答而文學日益有名提學副使水陽亢君重君仍以君應河南戊午鄉試時有兩學職中式而君居其次有司謂河南解額不廣不當以兩學職占河南士也竟以君裁去君自是委於數不復就試矣尋陞許州

學正先是分教時雖多所建明猶異於掌教至是乃設條約勤講授獎孝廉先行後文凡兩爲司訓而未得盡如其志者悉舉行之許雖名州然自吾常邵文莊公爲守之後垂七十年教多廢墜君乃慨然欲爲紹復且即其先儒靳裁之之訓以申示之有司爲之感動遂大興學校脩品士亭建樂育堂改創始末君皆有文記之居歲餘許彬彬又學士而一時士大夫咸稱吾常有人爲能不替前脩矣成弘以來歲貢士不由胄監撥歷注選則老於教職終身不得爲有司邈年當軸者軫念民隱憐惜人才方圖破格用人

以旋復舊制而監司首以君薦遂陞武陟知縣君素志在及物既蒞武陟百廢具興舊敝盡革恤窮辨枉節用省刑謝絕饋遺蠲除科罰充其志蓋不爲卓魯不已也上官嘉之凡諸郡縣錢穀刑名悉委查理而量田巡河百責旁午君奔走道路跋履山谷亦旣受勞且於水土不服遂爾構疾以致不起易簣前五日有羨餘銀百兩命計吏登籍吏憫君清苦叩頭請爲醫藥費君斥之曰吾終身清白乃至垂死而受污乎吏收淚書之得正而斃此亦其一端也任雖未久而武陟之民賢愚大小靡不頌之及喪歸咸哀毀如失

父母嗚呼君未之二第而官止一令雖若不甚顯融然隨在盡分亦自得行其志而俯仰無愧其視高科大拜伺候顏色以取世資而不得一有爲于時者相去何如哉君諱堯卿字文佐韋菴其別號也常州武進人按狀王先姓匡居于洛宋初有爲宣教者有爲七司扈者以犯藝祖諱改匡爲王從高宗南渡云于蘇之豐橋旣乃遷于無錫之匡楊橋再遷于武進之王巷有諱彥文者君之高祖也乃擇夾山之潘村居焉今稱爲夾山王氏彥文生序爵序爵生景聲景聲

樂耕樂耕生益號二山君之父也娶朱氏生君君

少穎悟時君之叔祖右山公文明爲御史家居二山  
時率君以侍御史公側公曰昌吾族者必此子也自  
是王之族雖科第繼起而君之令聞蓋寔無少讓云  
君生于弘治戊午七月三日至是卒享年六十有七  
先娶何氏生女字杭未笄而殤繼娶杭生子男三長  
即士楨府學生娶黃次士楫娶孔次士梅娶張女四  
長適無錫張子原府學生次適李志選次適吳應兆  
縣學生次適楊應辰孫男二長煒次炯士楨出幼未  
聘女三長士楨出字何次皆士楫出幼未字君平生  
所爲詩文有刻石于許其副本藏于家銘曰三學之  
師一邑之令孰曰不顯善教善政孰曰不求令望令  
聞我銘斯石君可無恨

方山薛先生全集卷三十一

墓誌銘

強處士墓誌銘

處士思澗強君既卒之又明年乙丑其子一鯨一鵬  
下以十二月庚寅將奉君柩葬于其里西村之新阡  
先期二子衰經詣余稽顙伏泣請銘君墓君固余所  
知而二子又皆余門人也誼不獲辭遂按一鵬疏君  
行實書之君姓強諱頰字文朗思澗其別號也強之  
先杭州錢塘人宋慶曆間有名至者以文學受知韓  
魏公終祠部郎中生子浚明澗明浚明徙家于常州  
無錫之五牧以兄澗明舉進士歷官通顯遂爲邑著  
姓洪武初有可仕者以貲雄于鄉可仕生怡怡生鋹  
鋹生澹澹娶秦氏生椿例授散官承事郎娶鄒氏生  
五子君其最幼者也生質穎敏父延名師教之讀書  
冀取科第君亦承父之志勤勵問學年甫十九乃遭  
父喪伯仲析居賦役煩繁家事漸棘君遂理家課耕  
垂二十年業日以裕居常忽忽歎曰吾父篤于教子  
吾以家累廢學今吾二子漸長矣可不繼其志乎乃  
遣一鯨一鵬先後從余受易旣而一鯨不忍君衰年

服勞尋亦棄學代父專以科第屬之一鵬君奇偉卓

學不肯俛仰從人後恒思光顯門戶以紹復達業其於族屬咸勉其爲學故今一鵬與其從兄一鳳諸姪于仁于義皆先後補郡縣學生而強氏彬彬稱文獻矣謂非君啓迪之功邪君治家睦隣正倫厚俗平量衡恤貿易息爭訟寬逋負種種可述而鄉之稱善入者必推君爲首君生于弘治己酉十二月二十八日卒于嘉靖癸亥十二月二日享年七十有六亦旣壽矣而鄉人猶以不登上壽惜之烏乎君雖未嘗祿仕而孚于其鄉若此其視紆朱拖紫以顯駟馬高車以歸而恣肆狼籍爲閭里所嗤誚者不大有徑庭邪君

配華氏能通小學列女傳涉歷史鑑大義每與君辨

駁時有不合而君常幸其有助昔人所謂內不愧于

妻子者君其允蹈之哉子男三長即一鯨娶江陰薛

氏次一鰲早卒娶宜興胡氏次一鵬縣學生娶周進

士明甫女女二一適江陰葛某一適江陰薛某孫男

五爲一鯨出者敏學娶錢敏事娶宜興胡敏行娶謝

敏功未聘爲一鵬出者敏質聘邵敏才未聘孫女三

人皆一鯨出長適武進呂應期次適邵某次受余姪

孫敷信聘銘曰冀缺龐公千載高風誰其嗣之君景

其踪二人被遇君獨隱終天道平分屈信感通有子

有孫行賁幽宮

秦室楊孺人墓誌銘

孺人姓楊諱鈺常州武進人姚安知府無錫次山秦君汴之配宮保尚書贈少保謚端敏鳳山公諱金之介婦也楊之先出漢太尉震之後居華陰宋紹定末有士英者始徙武進之錢塚村我洪武初有仲文者再徙前黃里仲文生懋恢拓基業人稱前黃楊氏懋生凍凍生圻以軍功授鎮江千戶所正千戶後以子璉官贈南京兵馬司指揮配蔣氏生孺人孺人自幼穎敏能通小學傳記知古今大義父母甚鍾愛爲之

相攸值端敏公爲仲子汴擇配遂命委禽焉嘉靖丙戌端敏公任戶部尚書居京師次山從其母鈕夫人南歸迎孺人于家以成昏禮時孺人年甫十八夙承家訓即閑婦道從姑與夫如京師端敏公一見稱賢婦焉居京師逾年次山日就外舍讀書夜分始入寢室端敏公每晨入朝五夜即具衣冠待漏孺人各視其節以候與居未嘗言勞丁亥端敏公乞致仕孺人從之歸盜至孺人從樓窺下左右止之孺人卽絕衣而墜時子柄在娠而臨難矜節至不顧身雖烈丈夫何以加焉其時不死者蓋幸也旣而盜盡取金珠錦

律諸貴重物以去孺人曰若舅姑無驚

常問安視膳必躬必親揣度可欲務當

數有餽遺必獻舅姑時次山有長兄今贈都

事小山君泮已舉順天年父于次山其配張

長於嚴孺人事之唯謹端敏公家邑里值

方士大夫之道經請謁者冠蓋沓至公以饗醴

任兩婦每孺人供具輒稱公心自後客至公必

孺人張嘗謂奴能吾固不及孺人只是謂服勞

能乎張爲感動辛卯端敏公再起不尚言明年

卒端敏公悲甚次山旣哀兄之二又憂父之

文卷之三

四

也居常鬱鬱不釋孺人謂之曰而兄亡而責始重矣

所欲慰大人者在勤學樹立憂苦何爲次山乃益

厲問學屏去聲華勢利若寒士然謂必得科第以竟

初志及端敏公出入兩京游歷戶禮兵工四部尚書

皆乞而歸年已七十矣次山連不得志於有司端敏

公乃遣就選次山意猶不樂蔭以孺人曰子其行哉

大人年高欲及見子之官承顏志固子道也於是

次山就選授南京後府都事孺人承舅姑命從以行

次山每念二親輒令孺人歸省往往冒隆寒盛暑怡

然就道甲辰端敏公卒相助大事感于禮次山服

喪

闕以母夫人年高不欲起復母夫人強之行孺人贊  
曰夫子之官君父之恩也何忍負之若養姑之事則  
吾能任焉次山不得已之京竟乞終養以歸歸二年  
而鈕夫人卒浴歛鬻舍皆孺人身親之左右請代不  
許再相喪禮一如端敏公卒時也甲寅次山復除右  
府都事陞左府經歷孺人從入京師次山素性簡抗  
不屑于權貴之往復頗與俗忤孺人多諷勸以調停  
之居一年而次山擢知姚安孺人以遠不克從留理  
家事凡諸婢僕隨才任使徵輸賦役慶弔贈遺報施  
往復百務振舉巨細咸當誠所謂女中丈夫而孺人

則未嘗挾其所能以自有也尤善教子勉其進德脩  
業而功名遲速則委之於數故其子柄等皆以學行  
聞于時而稱世祿子弟之賢者必曰秦氏秦氏云旣  
姚安罷歸益絕意世故而孺人亦倦勤于家事遂謀  
于夫子以其業分授諸子俾各主之今年乙丑三月  
乃以仲子楷之喪慟哭成疾至六月甲午竟致不起  
距其生于正德己巳十月晦日年五十有七先以次  
山都事一考封孺人至是次山率其子柄等十以十  
二月甲申奉孺人柩塋于竹山之原先期遣柄手疏  
孺人之行實請余稽顙涕淚謂以母之賢不獲上壽

聞諸書以上遡六經沐浴之傳務在得其精旨獨不屑於舉業而訓詁注釋多從脫畧以是屢試于鄉不爲有司所錄其諸會友雖先後登第而君顧怡然自得一切富貴功利漠然不動於中而家事盈縮悉置不問唯於憫窮恤匱則若恫瘝在身務思所以周之而了無德色人或以是稱之亦弗應也居常自得於浴沂風雩之趣而豈弟從容喜怒不形於色凡見君者無不欲心平而躁心釋嗚呼若君者雖不用於時而居鄉善俗立儒廉頑有大造焉乃今雖以壽終而君子之惜之者猶世卿也蓋以哲人淪謝吾道孤矣

俯仰穹壤歷數士流如君有幾能勿悲哉君卒之明年其子應祈等疏君行實及君之婿朱進士蓋臣所爲狀衰經詣余稽顙涕洟曰先子立心制行先生所知也今葬有期美願銘于墓上之石余情不忍銘而誼不當辭也遂述君平生大畧并按疏狀書之君名汝憲字道卿胥巖其別號也吳之先自延陵季子封吳子孫因以爲氏至宋集賢學士夔方福建宣慰使聞皆以仕顯迨君之九世祖寧一自延陵徙閩江遂

爲無錫著姓再歷三世有名源者君高祖也源生質質生穀穀生袞號惕齋世以耕讀爲業娶武進前黃

物氏媿德毓子乃生二子君其仲也君生質端慈與  
六伯兄閻峯君汝愚自襁褓以至出就外傳多得於  
父母之教而蒙養已端稍長師從父鄉進士趙齋公  
趙齋學行俱可師法以是君之伯仲不見異物而  
其所成就蓋有自云初邵文莊公公有仲女年已  
久笄爲擇所匹 九奇君遂許歸焉君以師禮事文  
莊而文莊亦以君爲賢子弟愈愛重之日試月課於  
同門中尤見稱賞每以居 人持志之說勉君其所期  
待蓋有出於文詞之外者而君自是日聞所未聞矣  
正德中君爲縣學諸生郡守宜賓王公誕敷聞君名

以淵明乞食魯兩生二題命君作論君援筆立就王  
公閱之擊節歎賞曰此非秀才文也自是屢召君君  
不往或問之君曰秀才如處子可僕僕於公庭乎王  
公聞之益加敬禮而君亦竟弗生也王公每論士輒  
以君爲稱首君篤於倫理事親孝出入定省委曲當  
意處夫婦和而不狎處父子愛而知勞事兄閻峯如  
事父然有族子以販屨爲業盜竊諸途時同遇害者  
五人盛夏暴骸河濱莫可辨君并葬之曰庶此子得  
掩而其餘亦一 至飼烏鳶矣有族人旅櫬歸葬艤舟  
河許值君誕日親友會集君戚然罷燕歲時家禮必

用竟韋布以終其身雖君之齊得喪一死生固不以爲意而論世觀人者不能不爲之深悲而永悼也銘曰夜光在璞弗爲圭璋豫章干霄弗爲棟梁造物生材胡弗較量吁嗟乎君宜出而處宜用而藏盈虛消息詎爽厥常不遠且復奕世其昌知己作銘以貫幽堂

亡室馮氏墓誌銘

吾妻安人之卒也吾不忍其氓沒將乞名世者誌其墓以傳而卜塋之期迫矣兒子近魯泣謂余曰吾父且自誌之嗟乎悲哉余忍誌吾安人哉安人姓馮與

吾薛皆常州武進人吾薛自毘陵郡公會之之後徙居郡之後圻載徙余巷與馮同里聞先世未嘗議姻安人在室自幼以賢淑聞吾先大夫吏部府君特爲旂聘焉正德辛巳安人年十七歸余余時爲郡諸生再蹶場屋年已二十有二矣吾母史安人先已蚤逝家事日落余以教書爲業什九在外安人居親操井臼事吾父與吾繼母吳安人曲盡婦道甘旨不足恒紡績針紉售以佐之而已則食麤茹淡自以爲卑幼之分宜然也余又屢試不第每歸安人輒投杼下機怡然迎之具雞黍酒漿慰勞曰以君之辛苦問學

終當不一出處有時宜從容以需之安人艱於生育歸十年而弗子余頗以爲念則又慰之曰以吾視君諒非無後者亦自有時嘉靖壬辰生子近魯甲午余舉于鄉明年乙未第進士選授慈谿知縣安從之官甫半載安人曰吾舅姑在家子有官守六

私

親吾可歸也歸未踰年而余以民艱裁郡額

征

旋致不協且又病脾不耐勞再疏乞改學

七

江教授安人以學官岑寂乃復從余行自陸路

州涉大江至李陽河颶風大作舟幾覆篙人不能

回余頗虞之安人曰汝方得一第未行其志而子不

襁褓又未成立造物者保無他也旣而風浪旋息迤

邐至安慶復從陸入九江蓋安人靜重凝定往往不

爲目前之事所促迫亦其天性然也余少壯時以多

過急安人此類裨益良多丁酉余爲福建考試官安

人在九江扁鑰以居諸生一菜一果之餽悉從謝絕

雖同年故舊書問亦不納也余自閩歸攜白鹿洞粉

事安人曰吾向以此官爲岑寂今秀才及門者衆

蓋可以聚樂但吾去舅姑日遠思家不置可圖先

乎余遂請于提學道獲給傳符舟車送安人攜子

從浙道歸歸而吾父母媿以見媳婦孫男女且聞余

定交相喜悅而余一優游宦學以免內顧之憂者皆安人之爲也已亥秋余遷南吏部考功主事及冬抵家明年春安人從之南都余出入部中安人扃鑰私宅如九江時踰年又請歸以供婦職癸卯余以主事一考獲封贈父母而安人亦獲今封雖拜冠帔而韋布一如平時及余晉郎中乙巳奉例考察違當路風旨謫建昌通判安人曰苟伸其志官雖屈無傷也時近魯年方十四安人慈愛不忍朝夕離捨恐其失學遂命從余以行而已則以舅姑年老自是不復從于官矣余往建昌三越月值南六科會疏薦白獲復刑

部員外郎歸值母吳卒時丙午五月也安人竭力營辦喪事至冬克窆明年丁未七月吏部府君又卒安人懷楚鞅掌營辦如前亦至冬而克窆兩歲間連遭大事余哀苦中愴怛不知所爲若非安人幾不成禮興言及此可勝悼哉既余服除起爲禮部郎中爲浙江提學安人在家治生教子儉用嗇施雖尺布斗粟未嘗輕費唯以馮氏弟姪之貧周之不爲吝惜余嘗問及安人曰之子皆吾父一所鍾愛也古謂已嫁而孝不衰於父母君豈不聞之乎余甚然之余與安人同苦樂未嘗一置婢妾乙卯余年且五十有六矣左

鄧延兵備安人曰邊

吾又不

焉余始置別室及罷官歸生二子安  
心一如已出而閨闈上下懽然雍穆安人

炳燄每發輒危侵尋三十

年綿延醫藥

今年丙寅春病劇謂近魯已吾年踰六十不

汝屢試不第亦自有日不觀汝父爲秀才特出

績學爲好人則吾死不朽矣言訖而逝時一

日也距其生弘治己丑十一月六日年六十一

男三長卽近翁

所學生安人出娶劉次近

近邨幼未聘日側出女三長

石象集卷五

十一

次適舉人吳

謙而次適無錫縣學生邵

安人出孫男

以聘吳敷教聘翁孫女一

景亮聘一受善應方聘一尚幼一人卒之

四日庚寅生于陽湖莊南之新阡壬山

人爾後吾而生先吾而死爾人丁苦

衰暮之年於世無涉猶當不忘

於後死也乃灑淚而爲之銘

嗚否而泰歷艱而夷

一血漣如形委斯丘

原有知感幾其

華宜人鄒氏墓誌銘

前年華師魯以其妻之喪來告乞表諸墓上余信其賢既爲文授之矣二年夏六月復衰經詣余伏地涕洟稽顙曰泮不自殞禍延先母行將卜塋敢請先生銘諸幽余謂師魯墓文將以圖不朽必作者其人與文俱可傳始以屬之余爲世擯而文又非所長縱君有格衆之見而屢文于墓人其謂我何師魯含淚而去旣乃復詣余再拜出其同學生秦汝操所爲狀泣且言曰吾先職方君少與先生同游學而泮又與世殊趨重辱先生之知惟先生能不爲諛言故敢托一

言以信今而傳後也余悲其孝誠懇切遂按狀書之宜人姓鄒氏兵部職方郎中水西華公鑰之配也鄒晉陵名家宋道鄉先生忠公浩弟進士洞之子朴徙居無錫之泰伯鄉載傳至宜人之曾祖元祖良父秉倫皆饒于貲人又稱爲泰伯鄒氏秉倫號思約娶華生宜人鄒華爲無錫著族世締姻誼宜人之母與職方之父贈君肯齋翁基爲從父兄弟歸鄒獨生宜人最所鍾愛相攸於其所親贈君遂聘爲子婦正德庚午宜人年十八歸于職方事其舅與其姑趙太宜人曲盡婦道內外斬斬不聞有笑語叱咤聲贈君恒以

是稱于親族而親族無間言贈君卒時職方出

落魄好書不屑治生公私侵侮業日以落乃游學于外歷歲不歸宜人督家衆耕織自給且時易篋帛并鬻奩具遠饋職方爲旅費以故職方得專意學問舉嘉靖壬午應天鄉試第一明年癸未舉進士歷官職方郎中宜人隨至官邸終日杜門戒童絜不得妄有出入職方伉直負氣議論數侵權貴宜人每從容諷勸後職方竟以此擯棄而卒免於大禍者宜人之功居多也宜人性柔順儉約職方在時已屏華靡小御比職方卒益事淡泊謝絕女謁年及五十子婦將具

禮爲壽宜人曰而父而舅年不逮是吾未亡人也何以壽爲自是歲再踰旬年更邁矣而言念君子恒如一日戒子婦永勿稱慶先是課師魯讀書進取以師魯數竒屢蹶場屋乃諭之曰汝果立志向上務以君子自期待雖弗取科第有光先業多矣不然縱爲貴人君子鄙之亦無益也其知大義類如此宜人素康健癸亥夏忽遘疾至乙丑元旦疾甚猶強起謁家廟至三月十七日卒距其生弘治癸丑九月四日享年七十有三初封安人及職方以郎中再考進今封子男一即泮縣學生師魯其字也娶鄒氏先卒孫男

平將奉宜人

無安者多真豫

五人生

自室歸而適仔

第再膺

且

貴顯矣乃晚年

而家復衰謝興廢順逆若循環然而宜

處之各得其當

謂女士哉宜為之銘

貞淑言稱姬姜乃世之鄒內則孔臧後先

蘭芳曰婦斯婦曰母斯母成夫善譽教子

亥亥集卷三

十六

君子同歸斯藏

吳室朱氏墓誌銘

吳室朱孺人者閩峯吳君愚之配也卒且垂

閩峯君念雞鳴相成之愛恨不即與同穴故

任室茲以禮正情卜今年丙寅十一月某日

閩江第一灣祖塋之次先期持孺人之姪進士

所為狀詣余再拜問銘焉余蚤

有姻婭之誼孺人之賢固素所

孺人姓名於玉朱本鄉子之裔後

有名仲華者自蘇州徙常州無知之

數傳至直齋公絃以進士起家爲御史娶嚴氏封恭  
人生孺人溫潤端慤稍長卽善女工代母分理家事  
悉當祖父母咸鍾愛之慎於相攸閭江吳氏與朱距  
太湖而居東西並稱望族世爲昏姻惕齋徵士袞以  
義方教子而愚其長子也自幼以好學聞請昏於朱  
朱遂以孺人許聘焉御史初宰臨海攜孺人之任年  
二十有二始歸于吳事舅姑如事父母相夫子柔順  
而敬處妯娌待姻戚御僮婢上下親踈咸當其則內  
外有別閨闈肅然而巫祝尼媪悉爲謝絕歲時奉祭  
祀燕賓客俎豆烹飪凡中饋之事無不躬親視之尤

勤儉持家紉針機杼不間寒暑而服飾器用薪米蔬  
果酒醴鹽醢醢茗細瑣之屬檢置收蓄各有常所侍  
女佐佑之忘其爲貴家子也吳雖素饒於貲而孺人  
助之業日以起閭峯爲縣學生屢試于鄉不第孺人  
語之曰命也君但篤學慎行盡人事以聽之耳唯吾  
歸君二十年不孕可不置妾以圖嗣續乎乃爲次第  
置妾五人又皆弗孕請於母嚴恭人復置一妾是時  
孺人年踰四十矣未幾乃自有娠生子應德自孩乳  
時愛而知教起居服食甚得蒙養之道旣而應德勵  
志學業駸駸乎露頭角矣不幸賫志蚤卒孺人深悲

之撫其所生二男一女更迭置諸懷風夜同寢  
勩萬狀且哭德不置以是遘疾卒于嘉靖丁巳  
一月某日距其生弘治己酉四月十八日享年六  
有九嗚呼視孺人可不謂古之賢淑矣哉子男  
長卽應德娶顧次應志妾許氏出初娶陸氏繼自  
未娶而應志卒孫男三長自成聘秦次有成聘齒  
後應志孫女一歸王化成皆士夫子姓其詳具朱泚  
士狀中銘曰易繫家人富家交愛詩詠女德江沱小  
星於維吳朱展也可稱抱孫續子績學蜚聲古蓋有  
之令伯陳情我銘在茲行矣其徵

徐味道墓誌銘

亥東集卷三

十八

俞庭

余門人徐味道之卒也余旣已往哭之慟矣至是將  
葬其子德言持徐進士仲童狀請余泣且言曰吾父  
從游于先生之門蓋四丁有六年久矣始終篤信寔  
惟先生而夙夜之語于家庭者亦惟以先生爲訓墓  
上之石願乞一言誌之余感其言且讀其狀不覺涕  
洟嗚呼余忍爲味道誌哉憶味道之從余游也余時  
爲府學生味道亦尋入縣學同在諸生之列而視余  
爲嚴師執弟子禮唯謹雖從事舉業而資性向道務  
爲切問近思之學凡先儒格言至論手錄成帙朝夕

觀覽不置自是學日益進。且日益明而身體力行。事  
事檢束。居家事親孝。母章早卒。哀毀歷歲。時不輟。公  
南崖君構危疾。卽熟閱素難諸書。遂於醫學卒起。公  
於沉痾晨昏伺候。顏色委曲承歡。不離左右。南崖君  
鰥居二十年。常曰。有吾兒在。吾不知吾室之亡也。及  
屢試于鄉。不第。人或惜之。則曰。出以行吾志。處以明  
吾學。唯安於所遇而已。富貴非吾願也。余罷歸田里。  
故交落落。每岑寂中。味道輒徒步訪余於山居。講論  
終日。師弟兩人皆垂垂白首矣。而情誼由衷。一如曩  
昔。使世之爲弟子者。皆若是焉。則安有操戈入室者。

哉。味道篤恩義。從兄弟六人視之。如同胞。撫孤嫠。如  
其子。教二甥。如其孫。居常恂恂。百凡韜晦。而豈弟樂  
易無疾言遽色。人無智心。皆樂與之交。至於義利所  
在。則介然不苟。鄉之人薰其德而善。良者凡若干人。

縣召之。代文則弗往。曰。秀才如處子。不當與有司  
也。其所居爲橫林鎮。多市廛。氣習及見味道出。

問少長。皆曰。徐先生來矣。莫不歛衽起敬。邑之  
多遣子弟從之游。其有聞於學校者。大率其門。

弟靖乙丑序。當應貢學臺。優其文。取寘高等。旣

而歸。余謂其赴部。當得教職。乃對曰。先生豈不

知弟子哉一生做秀才姑以子事耳吾父在

吾入城未歸則倚閭而望今去京師三千里以

遺而博一官恐非所以慰先人於地下也縱

而而祿不逮親吾蓋決不往矣白是杜門銘

惟讀書教子恬然以居其視世之榮名厚利直

若浮雲腐鼠然謂爲有所自得者非邪丙寅八

十四日時無疾而卒午之日起居飲食如常

猶手執陳潛室木鍾集句讀之忽遺卷馮几而

子及諸生扶之至榻而逝距其生爲正德丙寅

二十七日適周一甲子享年六十有一其年月日

于某原味道姓徐名玩味道其字也其徒稱爲先生

先生常州武進人系出南州徐孺子宋有名德輝者

徙居楚州元有名燁者爲常州路織染局提領遂占

籍焉我洪武間族旋蕃衍累傳至宗善善生灝灝生

雷雷生鑰卽南崖君配童生味道娶湯自結髮至白

首相敬如賓子男二長卽德言府學生娶張次與言

娶謝入三湯某魏某張某其婿也孫男一果行聘蔡

孫女二一受濮某聘一未字嗚呼今天下講學者所

至成羣不少矣求其真實如味道者能幾人哉乃竟

遜世沒齒鮮有知之者豈亦史遷所謂不附青雲之

足勉貧悉以父遺讓之

亦課耕力穡業自

以裕而量入為出務崇

節世谷紛華之態一

切謝去曰此非為治生且以養德也屢

不

不加取於民而轉輸應辦傾囊不恤平居

黨幼輩俱承禮接故無間大小咸樂其色

有犯者不之校也富貴之門未嘗一及而

者則委曲周之恬於勢利不嘗以仕進為

教唯知以讀書問學為先晚年見徭役重

每以置產戒曰古人謂毋殖貨以累子孫且產

殖貨之一大端也翁之所見如此不可謂超於流

玄集卷三

三

何

者邪郡縣士人有薦翁為賓者翁曰吾隴上

農夫也寧能局促於公庭周旋於禮帶間哉

謝不往此其志節又何以類推矣翁坐於成化乙巳

十一月九日卒嘉靖丙寅四月二十八日墓于卒之

六年隆慶辛未三月十二日娶馮氏生子男二長即

來宗娶某氏次來朝縣學生娶某氏次來聘娶其

女二長適李次適馮孫男二希魯縣學生娶某氏

聘某氏女二一受某聘次未聘墓在鄧莊居第

北銘曰昔史稱漢文皇時閭井年七八十翁嬉嬉

小兒狀以為太平有道之驗迨風流俗靡破

巧僞滋變而河上丈人漢陰父老始不爲世所  
如吾薛蜚英騰茂考代有之矣而返朴還淳鑛金  
玉如翁者蓋僅僅一二見也是故可銘而傳也

強子南墓誌銘

吾鄉諸士從吾游者先後舉科第凡若干人矣而  
生子南負剛毅之資抱體用之學獨屢試不第  
無聊以終其身能勿悲哉子南卒之日囑其子  
必請余銘諸墓石以圖不朽嗚呼余忍爲子南  
憶余未第時讀書于德慶菴中邵明甫從余游  
年方十餘歲以幼穉未卽從余乃學于明甫余

明甫講易子南輒潛立屏間竊聽明甫謂其  
召前問訊乃一一能解余遂奇之旣余入仕

者數年及明甫舉進士去適余謫官憂居

爲縣學生乃問學于余且自言曰先私也

灸一鵬之幸也敢不自勉以期不負門下

益奇之自是子南屢經臺試輒居優等尤

尚仰山二公所識拔謂取科第當社旦夕

屢蹶場屋亦了無愠色唯自奮厲銳志進

乃父思澗君之望旣而父卒每以不獲顯

側鬱火大發遂成脾疾素以氣體壯茂亦

踰年而長子天感傷益切其疾愈深然而  
則不減於曩時也余罷官家居故交凋<sub>此</sub>  
數數過我探贖索微務期尋向上去曰<sub>十</sub>  
母令名恐亦不專在科第間也余喜<sub>謂</sub>之

又進一格美子南素性介直慎於取友平口

士彰李懋卿及吾兒近魯往復論議稍有未  
窮日夜時一游息登山玩水亦准二三人同  
有登第者覺其自衿輒勿與通郡中有講學  
主席余一往焉子南亦從之行歸謂余曰先  
往此非求益者也行且有他虞未幾果羣無

會遂散其特立不阿早見明<sub>士</sub>率多類此

士人聚會亦多美服修容子南獨布衣藁<sub>屨</sub>

間富貴子弟目其爲鄉人而有識者亦自知

也嗚呼若子南者豈易得哉今年六月大暑異

學在江陰弔考子南扶病往感暑而劇醫藥罔<sub>效</sub>

兩月而卒卒之時惟以不能遂父<sub>教</sub>子之志與<sub>子</sub>

終養其母爲恨托其子於其牧溪兄一鯨托誌<sub>銘</sub>

余餘無所言端坐而逝嗚呼此亦可以觀子南<sub>全</sub>

南姓強名一鵬子南其字也別號南岡生於正統

己八月十九日卒于隆慶戊辰八月十日年纔

久而表病卒秀水遂以憂歸今年秋八月乃自爲狀  
與其弟禎衰經詣余稽顙涕洟乞銘其母墓上之石  
余見禎之賢猶秀水也益感歎其內訓銘奚容辭按  
狀孺人姓袁袁世居澗湖之陰唯以農爲業不事翰  
墨家未有譜曾高而上弗記也祖某父某始孺人年  
十七而歸九峯君鶴未幾而舅某卒家無遺貲姑某  
性嚴家庭間鮮所當意孺人操井臼躬織紉拮据朝  
夕以相夫治生而事姑唯謹遂得其懽心耕耘登穫  
之勞孺人必身先以爲家人倡而米鹽細瑣各有條  
理自是業漸就緒日底于裕孺人艱於得子年三十

有五始生秀水又七年而生禎甫釋孩豎即勤課誨  
未嘗以得子之艱而少事姑息九峯君初不入城府  
至是掌賦役什五在邑寔未暇於庭訓而二子竟成  
其學以致後先取科第者皆孺人之爲之也初秀水  
欲奉母就養而孺人以有禎在便於家食且謂秀水  
一意服官無以家爲念詎謂孺人遽卒秀水旣以不  
獲奉湯藥視含斂爲恨而禎又以他日縱獲顯揚以  
母不及見爲戚兄弟相持慟哭聞者悲之咸謂唐氏  
兩子其賢矣哉嗚呼自古世家大姓往往以簪纓之  
貴而淪於編戶甚至遂末藝甘下流者不可勝計乃

孺人以農家子而歸于農克自樹立若此謂爲女丈夫者非邪然其敦朴尚儉始終一致則又不以子之既貴而稍易也其諸賑貧睦鄰撫諸婦愛庶子血直婢厚親戚凡世所稱賢者則固孺人之常事矣孺人生于弘治甲寅某月日卒于隆慶己巳某月日享年七十有五子男三長卽喬娶蔣次卽禎娶馮俱孺人出次裕娶惠側室徐出女三孫某沈某周某某其婿也孫男七孫女六娶聘皆士族詳見秀水狀中喬等卜以卒之年某月日葬孺人于允橋之新阡啓九峯君合兆禮也銘曰

取士于農工商不預哉思古人何其拘繫今觀唐表深感默契不遷異物渾樸斯聚返淳還真庶幾可冀吁嗟孺人匪直立家世風攸係我銘在茲聊闡潛闕行錫冊書光昭斯義

方山薛先生全集卷三十二

墓誌銘

翁尚書墓誌銘

代餘少湖作

東涯翁公之卒且塋也其子某持狀走京師乞余銘其墓石余惟四郊多壘卿大夫之耻聞鼓鼙之聲則思將帥之臣若公者固今之所欲得其人而任之者而公不可作矣銘其容辭按狀公名萬達字仁夫東涯其別號也廣東潮州揭陽人先世居閩之莆田有名雄者徙潮純江里之舉登村雄生保保生琦琦生肇綱公會祖也肇綱生公祖可俱以公爲兵部尚書

方山全集卷三十二

一

何劍

累贈如公官可生公父玉封亦如之母許繼母某某贈封俱太夫人公少穎異五歲能誦書比長文日工

嘉靖乙酉鄉試中式丙戌登進士授戶部主事歷員外郎郎中督稅權務所至以廉法著稱嘗疏劾戚畹沮抑權貴雖謗言朋興略不爲動出賑畿輔多所全活自是公之名實籍籍人士聞矣及出補廣西梧州知府梧雜民夷加以師旅公經畫供億足用省費總兵仇鸞縱卒橫行公縛之繫獄郡稱治平自是公之名實籍籍遠邇上下美會安南莫登庸篡國稱制南

人止變朝議征之奉上命兵部尚書毛公伯溫侍郎

張公經同咸寧侯仇鸞督兵討之添註公爲廣西征南副使贊理兵務因條陳事宜白二公密募收死士梁文韜等數人入安南偵其情龍州憑祥二州土人趙楷李寰韋應以繼及未明嫡孽爭立作亂數十年不已登庸曰中國土官比比弑逆無能正法獨慮及我何哉督府聞之謂公曰君其謂何公曰兩州爪連三凶鼎立難以兵勝惟斷其中堅使不相屬然後可次第圖也公於是曲爲之所遣指揮錢希賢首擒應次擒寰最後乃召楷諭法申恩竟杖殺之立其子匡二州悉定吏民德公生祠尸祝左江斷藤峽猱獍侯

公丁以其兄勝海爲武靖州目黃貴所刺譟衆爲亂朝命討之衆謂非數千人不可公不煩兵密謀擒公丁磔于市乘勢集兵破賊藤峽悉平又四峒爲土人黃賢相所據稱兵脅衆以奸法紀苗類延蔓甚費區畫公諭叅將余恩駐兵徐圖授以秘策賢相尋以地以附南寧督府上其功陞公浙江右叅政尋改廣西公受督府檄屯龍憑思陵等處誓師覲變獲安南姦細丁南傑削幅延欸畢得其國中情僞乃縱之歸國俾語登庸蚤自爲計登庸大恐遂請鎮南關納欸連

姪文明奉表降上貸之罷安南國爲都統使司

賜登庸不死以都統使治其地於是班師論功行賞有差而公之功寔居其最值病疽乞歸不允陞四川按察使尋陞陝西右布政使轉左無何擢右副都御史巡撫陝西釐奸革弊關內清謐尋又擢兵部侍郎兼僉都御史總督宣大偏保軍務專制閩外劾奏將官邵永姜夔士皆知沓修築邊墻垂二百里增添整臺絡繹相望虜不敢輕犯 上嘉之陞右都御史兼兵部左侍郎既宗室充灼勾虜入寇公督兵鏖戰叅將張鳳死之公爲文以祭賻歸其喪疏請錄廢立祠將卒感泣思奮虜乃遁去事聞進公左都御史兼官

仍舊俺答阿不孩遣使求貢兵部請下公議公曰封疆之臣惟知戰守因䟽數事皆安攘大計已酉春虜逼居庸公以宣府將官才弱遂檄大同總兵周尚文率銳卒禦之大戰三日公躬擐甲胄誓不與虜俱生會西風大作公索車數百兩曳柴以進塵霧蔽天咫尺不辨虜乃大驚曰翁太師兵至矣解圍宵遁捷聞上大喜陞公兵部尚書兼右副都御史尋召入掌本兵事慎選將帥振刷頽敝本兵作氣未幾以父喪奔歸庚戌七月大同失事廷議以金革故事起公公上䟽陳情乞終制八月虜由古北口入犯畿甸 上特

召公入掌本兵馳使促之公卽日告父位單騎就道  
間關萬里未卽抵京仇鸞素與公隙又懼公撓其事  
飛語譖公緩於趨召且謂邊墻不修則虜小入而少  
利勢必不聚邊墻修則虜不能小入其勢必聚爲大  
寇言頗惑聽公至奪秩爲兵部侍郎兼僉都御史經  
畧紫荆諸關時鸞大括邊鎮勇銳聚之京營托名防  
護民間又苦抽丁遠近騷怨公䟽寢之辛亥夏足疽  
忽作䟽請終制遂罷去旣以謝䟽字訛革爲民公冒  
暑買車微服就道人亦不知其曾爲尚書也歸冬十  
二月塋父尚書公哀慕不置壬子冬游武夷鯉湖道  
趨三河經清流縣疾作至上杭舟中劇甚遂瞑目而  
逝時十一月十三日也又二日抵家又四日復兵部  
尚書詔至而公已不及見矣公生弘治戊午六月二  
十八日年五十有五配張氏累贈夫人先公卒繼孫  
氏累封夫人子二思任縣學生早卒娶李氏思佐以  
公廕爲國子生娶某氏女二長適都御史莆田鄒公  
子迪次受福建叅議劉君子某聘嗚呼天下嘗患無  
人有入嘗患不用乃今有人若公顧又用而弗究不  
能少延歲月以濟時艱此吾之銘公所以重有感也

銘曰

天之生才不能數數於惟翁公奮起南服底績徼外  
威行漠北九伐平邦樞府鈞軸勳耀旂常名流汗竹  
我思古人疇與公屬文武吉甫詩書卻穀誰寔尼之  
勿永其祿今夕何夕拊髀頗牧胡不憇遺惠我王國  
有封若堂窆此良玉我作斯銘以昭芳躅

谿田馬公墓誌銘

嘉靖三十四年乙卯冬十二月十二日亥時關中谿  
田先生馬公卒是時全陝地震山城傾圮覆屋折木  
士民壓死者以數萬計遠近震驚謂斯文之喪有關  
於氣運雖人百其身莫可贖也先是九月初公有疾

謝客武進薛某適在陝闈撒棘視師郟延過公里第  
公強起延見且輿疾送于郭門設席拜別屬爲身後  
之文某謂余未去陝公方壽考何以有此固辭公曰  
子遂忘吾寄浙之言乎值明夷之象爲火地之占宜  
再玩之遂拜某甚疑焉詎謂不幾月而訃至余亦罷  
官去矣公之子光祿君希古服公治命齋公門人趙  
富平所爲狀徒步三百里逆余于歸途衰經稽顙伏  
地涕洟必請銘公墓上之石余憶曩昔與公論道白  
下晨夕比隣唯公信余遂爲忘年之交二十年來南  
北睽隔數千里余數被謫謫而公書問每至茲不忍

負公之托亦不敢負公之知也遂按狀書之公諱理字伯循恬於仕進唯欲明農學者稱爲谿田先生其先陝西富平孫姜里人也元末有名仕祿者徙三原之王村洪武初再徙丁村是爲三原始祖仕祿生仲良公會祖也配傅氏仲良生貴配張氏貴生公之父汪配劉氏貳李氏曾祖至父皆以公貴俱累贈光祿寺卿配俱贈淑人李寔生公贈亦如之江隱居教授行義著聞人號爲雲巖先生其詳具載高陵呂涇野先生所撰誌中然則公之賢蓋有自哉公幼穎異四歲能讀書作字十歲能文旋又能詩十四補縣學生

受易于同學生雷鳴後雷不第公聞譽日起執弟子禮唯謹三原士人知尊師道寔自公始鄉先達王氏端毅康僖二公父子闡明理學俱屬意於公而公之明經博史康僖則或未之逮也時遂菴楊文襄公督學關西每試公輒稱爲天下士於是涇野呂先生尚未及第遂相結會先是關中士人多以文藝相高動稱先秦兩漢其以理學相講明而知紹張子厚之傳者寔自公輩始弘治戊午公以春秋中鄉試第四再試禮闈未第益邃于學端毅公著四書五經臆見集歷代名臣奏議皆公手正山西李五至三原以左道

感衆公卽聞于縣遂之出境既游太學與涇野及安陽崔後渠諸公文相切劘而文章德義名震都下高麗使人亦知慕之錄公文以歸及撥歷清黃同事有陳情表者以物使酒衆皆遠之公獨與處踰月其人禁酒改行遂爲善士 孝廟上賓公哭之慟蓋已預知逆聖之萌將兆正德初年之變矣昔人謂范文正公自做秀才時便志在天下國家謂人六人非邪乙丑冬公生母卒服闋踰年爲正德庚午秋又遭父喪公先後哀毀然骨立祥禫中會檢三禮編集成書唯是戊辰辛未皆不預會試安南貢使至京問 恆部

主事

曰關中馬理先生何尚未登仕籍清曰乃

先生不仕進耳非遴選之有失也其名重外夷若是

至甲戌科公年四十一矣復上春官公卿以下咸請

識面四方學者至聚觀之公初以春秋魁于鄉至是

乃以詩中會試第九及殿試策問大學衍義公對畧

曰大學之書乃堯舜禹湯文武之道也傳有克明峻

德湯之盤銘堯舜帥天下以仁之語真氏所衍漢唐

宋之事非大 本旨伏願 陛下惟以聖經爲學以

堯舜文武爲法又云真氏所衍止于齊家不知治國

平天下皆本於慎獨工夫德秀宋儒其所造詣大率

未精願 陛下惟以聖賢爲學勿泥貞氏之見以此  
失代問者之意置於二甲第二識者咸以公不預及  
第爲惜公笑曰王曾及第志不在溫飽而理之志則  
不在及第也君子愈重之是年秋授吏部稽勲主事  
尋調文選一應銓注陞遷郎中或有所上下公皆以  
義規之一日公疾同寮代爲巡風司偶火公曰是安  
可以累寮友也遂扶疾赴部聽叅後竟釋之維時郎  
中與公議論不合公引疾上疏告歸者三年戊寅  
復任值 武廟將南巡公與黃鞏諸同志伏闕極諫  
雖受廷杖駕亦遂止未幾送母劉太淑人還鄉乃設

教于武安王祠藩臬諸君爲建嵯峨精舍以居生徒  
旣劉卒公哀慟以謝諸生諸生皆依依不忍散去初  
公舉禮闈寔黃鞏所取旣公與黃同官而公師事之  
曲盡恩禮及黃陞南大理寺丞後以進表至京病卧  
朝房甚革公亦適以領勘合至京聞而亟往視之黃  
張目曰汝至矣遂瞑而逝公爲位而哭經紀其喪以  
歸甲申公復除以議禮不合廷杖尋轉文選員外郎  
陞考功郎中有莊懌者在正德初附瑾首開查盤革  
職至是奏辨求復下吏部看行公寢之諸要路俱爲  
託公公稱病求歸內閣遣人謂公曰所託事不行亦

得不必求歸也事竟寢丙戌例當考察外官公博訪  
詳審以定去留時臨穎內閣東光冢宰各挾私忿嗾  
人論劾欲去廣東河南陝西三省提學副使公乃昌  
言曰魏校蕭鳴鳳唐龍卽今有數人物若欲去此三  
人請先去理唐由是獲免魏蕭調用上䟽後公猶爭  
之不置蕭補廣東魏補河南仍各爲提學公之保全  
善類以扶元氣如此類者甚多丁亥京察公力去巨  
奸彭澤澤雖夤緣入館而心跡已昭卒以取敗是年  
陞南通政赴任過池河見驛丞貌類黃鞏問之乃其  
弟也公卽泫然泣下旣乃作詩贈之有六年復見先

生面爲過池河遇叔開之句丞名肇叔開其字也或  
謂主司取人自是其本分內事公何德之深也公曰  
生我者父成我者師父之生子亦定其之分內事子  
當如何言者愧謝之蓋公之厚於倫理類如此在通  
政時見本狀赴訴有關於人倫風化者公反覆諭之  
訟者愧服多弗克訟戊子五月引疾告歸辛卯陞元  
祿寺卿起公下家故事凡解事百需率先關節中官  
否則留難人甚苦之及公至釐革宿弊德望所孚雖  
中官亦無敢梗者人稱便焉尋䟽致仕不允癸巳秋  
上病䟽獲歸林下者十年癸卯復起公南光祿卿仍

以病辭不允赴任踰年公七十一矣引例陳情致山  
乃得賜歸歸卽隱于商山書院諸生問有遠近踵  
集公山中野服鶴髮童顏望而卽之固充然有德容  
令色亦飄然若仙風道氣如是者又十餘年而公始  
告終距其生爲成化甲午正月二十七日年蓋八十  
有二矣謂爲存順歿寧者非邪嗚呼賢人君子代不  
數人公生國家全盛之時鍾河華英靈之秀所稟固  
已不凡而一時聲氣相應者又多理學之士宜其直  
接橫渠以沂濂洛爲世大儒也公嘗謂見行可之仕  
唯孔子可以爲之學聖人者當自量力故公每出不

一二年而卽歸歸必十數年而後起綽綽然於進退  
之間雖欲磨涅者亦未如之何也公所著有四書注  
疏周易贊義書經疏義詩經冊義周禮註解春秋修  
義全陝通志詩集文凡若干卷公娶姜氏再娶張  
氏劉氏生子一曰希古娶李氏生服輿公長孫也以  
公廕授光祿寺署丞希古封如其官李封孺人女二  
一適涇陽張尚忒一適邑人郝黉孫男五長卽服輿  
次曰服駮曰服駮曰服駮曰服箱孫女六曾孫男四  
曰驅曰馳曰駮曰駮曾孫女三嫁娶官士族希古十  
以某年月日葬公于丁村塋雲巖翁之次銘曰

嗚呼谿翁三秦豪傑一代鉅公文章道德爲世所宗  
其存也中原式化四夷嚮風其亡也上爲星辰下爲  
河嶽蓋將與天地相爲始終四尺之封千古之崇嗚  
呼谿翁

邵明甫墓誌銘

邵明甫之卒且葬也吳高之緘狀關西請余銘其墓  
啓而讀之詞悉且悲余因歎曰吾忍銘明甫哉憶明  
甫之從吾游也年甫十三即能屬文再踰年遂放厥  
詞及爲縣諸生童邛鄉裝人勿爲意今少司馬戴菴  
楊公時以御史提學巡歷校士旋留都值余在南考

功公卽過曰吾於無錫得一士邵德問之乃君門人  
也此子行當名世余服楊公品藻亦謂明甫當不負  
公知嘉靖丙午明甫舉于鄉明年丁未第進士授浙  
江長興知縣期年卽以善政聞值父憂守制復知福  
建浦城政如長興兩邑士人交頌之明甫性愷悌解  
事且憊余偃蹇百九利忍鄉邑無貴賤長幼咸知愛  
重余嘗語之曰若能此當必爲大官矣一時交游之  
士亦以爲然明甫癸丑京回值余左調家居時過唁  
余因辭往浦城余謂其有病容尚當慎重而明甫急  
於行志勿覺也至杭州病劇遂卒于旅舍余與高之

諸友往逆其喪哭于其家咸爲之慟莫不曰以明甫而至此豈不信有命哉明甫邵姓德卽其名明甫蓋其字也居近陽湖人又稱爲陽湖居士常州無錫人余嘗誌其父雲山君墓其世次戚里已具其中明甫生于正德乙亥六月卒于嘉靖癸丑四月年才三十有九配胡氏生子男二長秉忠明甫嘗欲其壻吾季女明甫歿遂受其聘次秉整聘國子生顧長吉女女一字高之子之龍明甫卒之又明年丁巳二月十八日其母鄭太孺人謂次子縣學生復率秉忠等塋明甫於黃沂之原從父兆也高之與明甫同門且丙午同舉其知明甫與余同其狀已詳故余特筆其大凡也銘曰

嗚呼明甫色溫氣怡周旋上下左右咸宜不競于物無忤于時衆心屬望大拜顯躋胡方筮仕竟至于斯其然不然造物難齊歿壽不貳若所素知九原千古日月逝而莫謂勿傳我銘在茲

周子垂墓誌銘

周子垂旣卒之又明年余視師鄜延其子之望嚙哀致誠不遠數千里緘其友李懋卿所爲狀請余銘其父墓前之石嗚呼余其忍爲子垂銘哉憶丁垂甫成

童卽從余業程文受朱氏詩強學好問夙夜在左右  
多所自得神余寔多或上下郡邑登覽山水亦靡不  
與同子垂先余舉于鄉乃復業于余同門雖髻弁者  
亦謙恭禮接弗以其少而易之故所至皆飲其和而  
仰其德咸樂與之游余嘗謂之曰子之氣局其殆黃  
叔度矣乎一時四方諸生畢集寔子垂爲之先容也  
旣與余同試南宮余獲舉子垂下第乃復留京邸月  
餘爲余迎送賓客朝夕論議未嘗顯言別去及余坎  
坷仕途子垂或訪衙舍或寓筆劄多諷以異順之言  
余家事叢挫子垂每爲余經紀視如其家如是者蓋

後先三十五年而子垂已矣余忍銘子垂哉然知子  
垂者莫如余其又奚容以弗銘也子垂姓周名珮子  
垂其字也家于無錫乙虞橋西南赤湖之左士人稱  
爲赤湖先生周故名家會祖灝祖循父松咸有德于  
鄉人子垂生三歲而孤育于母鄧兄瑗雖力農桑僅  
足支持門戶子垂尪弱九歲始就外傳讀孝經論語  
卽解大義一日告其母曰孔夫子稱閔子騫之孝以  
人言不間於其父母兄弟今母兄愛我矣不知人其  
謂我何聞者異之十歲爲常州府學生在學十年始  
舉應天鄉試寔嘉靖辛卯科也累弗利于春官乃卒

業太學四方賢士見子垂無弗愛且敬者旣注選歸  
讀書治生甚勵伐檀詩人之志而堂構菑畬尋爲增  
拓連遭母兄之喪竭力營辦哀毀踰禮自是氣血減  
于其舊癸丑春下第回自京師余語盍選諸乃告余  
曰吾母臨訣時謂吾須登用科若舉人就選恐難行  
志也言輒泣下自是忽忽遘疾竟至不起卽是年某  
月日也距其生于弘治甲子某月日年僅五十娶鄧  
氏勤儉相夫有雞鳴昧日之風先子垂二年卒之望  
等卜今年丙辰某月日合葬于彭店村之新阡子男  
五長卽之望次某某女三孫男三昏配皆士族嗚呼  
子垂已矣問學志行雖未大施于世而孝友著聞器  
宇純粹真可以上希閔子下擬黃生矣子垂亦可謂  
無憾爾矣銘曰

嗟嗟子垂溫恭其資人亦有言維德之基天道茫茫  
胡不憖遺輻寘于河織斷于機成難毀易誰寔爲之  
我觀大化萬有不齊究竟俱無亦又奚疑永矣斯丘  
我銘在茲

徐母潘孺人墓誌銘

徐母潘孺人者余門人徐常吉之母也常吉以學行  
爲鄉邦士人師表鄉邦士人人賢之謂其得於母

教居多故稱其母曰徐母云母姓潘常州武進人父  
琰有隱德母年十八歸春洲徐君嶽夫婦雍雍敬讓  
如賓人謂徐君家有龐德公梁仲鸞之風生有三子  
而徐君卒母哀毀欲殉時時泣仆於地即又顧三子  
策策無依乃復強起撫摩之曰汝父死吾恨不即從  
於地下如汝輩何掩袂拭淚闔戶者累年家事鉅細  
凡君子欲爲而未就者黽勉以代其終日夜望三子  
成立既長子賓爲郡學生乃又蚤卒母仰哭籲天曰  
天乎吾徐世以忠厚立家天何降割如是也豈亦天  
之未定乎定則必不然也母益攻苦食澆務自樹立

以培植其家迨常吉稍知學即遣就經師每夜讀書  
輒篝燈紡績相對習以爲常常吉尋爲縣學生於書  
無所不讀每試于提學及郡縣輒居優剋而一時之  
名能文章者尤極稱許於是常吉之名益藉藉於江  
左矣母則語之曰吾聞吾鄉有薛先生者四方人士  
皆從之游子盍訪諸或者更有聞乎於是常吉及吾  
門首以左國史漢之文爲問余弗應繼又以六經之  
文爲問余亦弗應歸譖諸母母曰是必有說焉子其  
反覆探諸旣而常吉再至乃以應讀何書爲問余曰  
子無爲書障也於是常吉束書而思者累月乃又以

窮理何先爲問余曰子無爲理障也於是常吉習靜而坐者累月乃又以朱陸同異爲問余曰謂其同而未嘗不異也謂其異而未嘗不同也子不必求諸往迹求諸汝心當自得之常吉恍然而悟遂作而謝曰命之矣自是常吉之學日進於高明多所自得而士人之知與不知者皆樂於親就請益母曰吾兒其殆有聞乎前歲癸亥母年七十余嘗爲文壽之擬之爲尹和靖之母君子以余言爲然甲子常吉舉於鄉歸拜母母曰兒但一意嚮上畢力爲切已之學俾吾爲賢人之母吾志願足矣寧又作貴人母耶余聞之曰

有是哉真徐母也常吉應會試北上至境山心忽作楚遂旋車南歸歸則母疾作再踰月而劇謂常吉曰幸得汝歸吾殆不起矣汝他日做官當不負平生所學諒勿苟且富貴以遺汝父與吾地下之羞吾與汝訣不得不丁寧之也遂卒時乙丑五月七日也距其生弘治癸丑四月十五日享年七十有三子男三長即賓娶曰次即常吉娶梁次逢吉娶俞女一孫男三母卒之明年丙寅十二月十六日常吉扶母柩塋於徐巷祖塋之次與春洲君合兆以同門舉人吳盛狀請銘于余余固夙有聞於母者遂書之因繫之以銘

銘曰

妻道無成代夫有終僅立厥家已足爲功矧如母者  
式穀爾子以開羣蒙有鬱斯丘有崇斯封我銘在石  
永爲世風

方山先生

十七

方山先生全集卷三十二

方山薛先生全集卷三十三

墓誌銘

龔處士墓誌銘

余昔視學於浙故今家居而浙之士人往往有過余山中者過則咸稱龔嘉興之爲政遠追武城單父余離索已久初未識嘉興前年夏嘉興以父憂歸讀禮及祥訪余山中余與之談論日夕見其窮探極討不爲世俗之學至論說古今治忽興衰之際上下千年若身親歷之而一一可指數也余謂嘉興之政蓋有本哉而稽其所自則厥考友軒君寔有以成之也

去冬乃復詣余再拜稽顙出其所自狀友軒君行實屬余銘其墓且謂其母徐孺人先卒塋未有銘乞併書之石余固樂道人善而又與嘉興傾蓋之知不啻故舊誼不容辭遂按狀書之君名雱字時瑞友軒其別號也龔之先世居常州武進之新塘元季有名華甫者饒於貲避亂僑居震澤之弁山洪武初徙無錫邑城之南塘生子德賢家益振家之左有陽春橋以兵廢乃建爲石梁跨塘東西以便往來故人稱跨塘橋龔氏爲邑著姓德賢生思義思義生文迪文迪生懿娶葉生君君之生值父蚤世家日落捐南塘舊淮

將徙之鄉時方童年伯父懋謂君謹慎可托以服喪  
君佐佑之不四五年息倍千金伯喜乃爲君擇配得  
徐孺人遂委禽焉徐故邑之望族孺人夙閑女教及  
笄歸君恪盡婦道族戚長幼咸宜之伯益喜於是家  
政悉總於君之夫婦君事其伯如事其父而又每暮  
至家省母不以寒暑風雨有間旣伯疾亟時治命論  
其諸子析橋左室以居君謂固君之所營造也及歿  
諸子億君有私藏乃違治命君竟讓之空乏無可  
計適江右大賈朱姓者將歸舉千金貨託君君辭之  
朱曰以君信義非負人者以特相託竟以去君得

此經畫懋遷酌時權變生心日益朱賈旣獲厚利而  
君之家亦因以裕君儻好義重然諾輕財好施急  
人之難而諸所嫌怨一不留畜凡非所有雖至於其  
前不取而人或攘其所有者則曲爲原恕弗校也諸  
如此類里人種種能稱述之平居以少孤廢學必欲  
教子屬意於勉遣從名士游而徐孺人又克相之勉  
竟以進士起家爲時賢令問學嚮用方興未艾是  
君之夫婦不惟昌後元宗而行且大有裨於世道矣  
豈直昔人所稱雞鳴昧旦之賢而已哉石恬於嗜好

暇則唯以吟奕自適尤注意明心之學其格言輒

書于壁嘗自吟有身心一外無他事唯聽幽禽鳴樹  
間之句卽此而君之意况可想矣謂非有所自得而  
隱於賈者邪嘉興嘗迎養君於官廨晨夕以做好人  
行好事爲訓旣而病痺思歸逾月而卒隆慶庚午四  
月廿二日也距其生爲弘治癸丑二月廿一日年十  
十有八徐孺人先君九年卒卒之日爲嘉靖辛酉十  
月廿六日距其生爲弘治壬子七月十日年七十子  
男四長助次某次某次卽勉舉隆慶戊辰進士初任  
嘉興令女一孫男六女三昏嫁皆士族詳具狀中茲  
嘉興謀諸其兄助卜隆慶壬申二月十六日奉君

之柩塋於吳王峰祖塋之右后徐孺人兆合焉嗚呼  
穀則同室死則同穴有子顯揚永貽人聞可謂無憾  
爾矣銘曰於惟龔君鑛金璞玉質任自然不鎔不琢  
幹蠱克家刑于式穀維天與善以綏後祿有鬱此丘  
靈秀鍾毓封章旋錫光賁川谷勒茲貞珉永爲世告  
蔡簡齋墓誌銘

趙州蔡君卒于松江里第其子懋昭同知懷慶聞訃  
奔歸衰經詣余稽顙涕洟出所曰爲狀請銘君墓懷  
慶嘗問學于余夙知其致行務實而政事文章遠  
人上蓋得君庭訓寔多也茲於君之銘又奚敢辭君

譜繡字文卿別號簡齋松江上海人也按狀蔡之先  
譜逸無徵洪武初有諱士侗者仕爲考功郎中以言  
事謫兩淮提舉調杭州通判素性鯁直與御史相訐  
奏卒于刑部獄中其子仲啓求遷葬於上海之周  
浦塘遂占籍焉仲啓生子二長曰瓚無嗣次曰篔簹  
生義義生翔爲縣學生以文行名于時篔簹稱爲靜  
軒先生君之父也娶沈生子三長曰紳貢爲魯山教  
授次卽君次曰緯君自幼好靜讀書藝文日誦千言  
弱冠補縣學生以博學知名昔王儉目陸澄爲兩脚  
書厨人亦以是稱君然恂恂自持淡於世味君子又

謂君爲太古之民也辨義利重廉耻雖細行必矜尤  
篤於孝友教授君嘗患危疾君奔走醫藥旦夕焚香  
籲天衣不解帶者踰月君累試于鄉不第遂觀曠視  
恬無愠色平生樂於從善怨怒不畜急人之難若痼  
瘵在身不避利害而力拯之嘉靖丁未貢于禮部庚  
戌授山東臨沂縣學訓導日與諸生講究經史陳說  
理道貧生歲時餽遺一介不取更周給之縣故無誌  
尋修輯士人咸稱得師再踰年屢聞子婦之喪遂  
浩然而歸重以上官慰留弗從也隆慶戊辰懷慶時  
爲趙州知州以治行聞君遂獲封典如其官明年君

疾作懷慶聞之遂棄趙州而歸歸逾年而薦書屢上  
起爲湖廣桂陽知州懇辭侍養而君以殊恩異數必  
欲子之復出不得已捧檄登途未至桂陽尋陸懷慶  
同知君方以報國勉懷慶而疾復作矣辛未十二月  
二十二日卒距其生爲弘治乙卯十月十八日享年  
七十有七配徐氏贈宜人宜人初歸君時君值家落  
傳經館穀于外宜人內課諸子讀書外率家人婦植  
桑麻樹豆菽以供衣食事舅姑和妯娌恤婢僕治家  
睦鄰米鹽細瑣罔不經理而君得以專意問學迄無  
內顧之憂者皆宜人之力也與君相敬如賓先君

三十年卒而君每思之誓不再娶嗚呼此亦可以觀  
君夫婦之間矣宜人卒於嘉靖壬寅十一月二十九  
日距其生爲弘治甲寅十二月三十日享年四十有  
九子男四長卽懋昭中嘉靖庚子應天鄉試今任懷  
慶府同知次懋光府學生次懋弘縣學生次懋和孫  
男四有聲府學生有度有孚有爲有端孫女八嫁聘  
皆士族詳具狀中懋昭等卜於壬申年閏二月十六  
日壬申春君柩葬於郁涇祖塋之右啓徐宜人之力  
合焉嗚呼君雖位不稱德宜人雖不及借老竟獲並  
膺封誥褒嘉顯揚令始令終可謂無憾爾矣銘曰昔

人有言莫爲於前雖美弗彰莫爲於後雖盛弗傳於  
維蔡氏奕世稱賢寔君夫婦啓後承先宸章申錫有  
命自天爲龍爲光永賁斯阡

李荊州墓誌銘

余少爲郡學諸生時御史以提學至者先後皆一時  
名公歲一巡歷考校品第不爽吾常郡縣兩學生幾  
及千數每考優列見稱許者僅僅數人而縣學浴川  
李君必預焉自是文譽日起聲稱籍籍在羣衆中  
謂旦夕取高第而君亦自負當不在諸名士後也嘗  
與余同試于鄉余以屢挫自疑君語余曰勿餒行將

一日千里矣既余以選貢入太學果獲連遇于主司  
君乃益自信尋亦選貢提學御史刻君文以式各  
而君在太學益有名乃再試于兩京不第將謁選部  
余曰以君素畜蓋姑待之君曰此吾之初說也今大  
不然矣科第果可以學問文章得之乎則蘇洵孫明  
復當在馮京宋庠之先矣是遇不遇之間蓋有數在  
也吾聞之一命之士於人有濟斯亦可以無負吾殆  
選矣而勿吾沮焉余甚壯君之言謂有大人之志而  
非世俗之見也及君選爲韶州推官明刑弼教吏畏  
民懷而方岳部使無不稱允秋崖朱中丞統靜峯張

中丞岳二人皆近世名公先後督撫其地君皆受知政必推委再遷判荊州而名實施於上下一如在韶州時果不負君所自許也旣而乞歸雖士民留不從家居數年詠自適起居以時俯仰無累而恒自以爲過分若君者蓋真達於消息盈虛之理而昔人所謂知止不殆知足不辱者君八超然於其上矣回視臨軒賜第紆金橫玉而身示百詬者相去何如哉茲君壽終塋有期矣君之子備持凝菴唐進士狀衰經詣余山中請誌君墓石以圖不朽余固知君者因次君之歷履而按狀書之君名壽字潔之浴川其別

號也常州武進人世居震澤之馬跡山其先值元末之亂譜逸無徵洪武初有名富九者君六世祖也生彥亨彥亨生顥任爲松陽令顥生子四澄泉濬溥濬仕至湖廣左布政澄生瑤初娶孟繼娶秦生子三長昂次鶴鶴舉正德庚午應天鄉試署湖廣澧州學正遷河南確山知縣皆孟出次君秦出君生九年而喪父與母秦箏箏相依提舉陳君璣見君奇之乃以女女焉君自少嗜學甘貧厲志值布政公季子無嗣族人咸謂君當入繼君泣不允人或謂君君曰吾豈不欲享成業以免衣食之累哉第念吾母守孤至長顧

忍舍之以爲人

族人竟不忍強此君於貧弱時

蓋已灼然於恩義輕重之間而加於人一等矣茲雖

一節而平生之公就取舍不可以例觀耶君生於弘

治乙卯九日九日卒於隆慶庚午四月十七日享

年七十有一配陳氏即提舉公女子男一即備縣學

生娶鳳以導頊廷仕女女一適太學生周正子之

美孫甲二同育娶舉人唐大卿女同慶聘府學生馬

女孫女四一受舉人唐九思子際明聘一受縣

學生王業子不子聘餘未聘曾孫女一亦未聘君卒

之又明年壬申九月九日壬寅備奉君柩王於馬

跡山東村灣之新阡嗚呼君之立心行已服官居鄉

種種可述具在狀中余特誌其大凡而繫之以銘銘

曰嗚呼君之可銘者多夫其將何以爲君銘哉余嘗

因君而有感於近時科第之偏重得人之途日隘也

追惟洪武肇基網羅豪傑三下至五年每歲皆開科

取士六年以又姑罷之謂其不足以盡得人也後雖

復設而歲以舉里選之制恒參用之故百餘年間

以儒士選以者屢瑛以闡之文衡以胥史倔起者輒

居部堂之卿佐惟以人不限其方用其長不拘其格

所以得人爲最多致以獨成也使君當其時其名

位可量哉今乃專專於科第間一不預焉雖負霸王之畧人將貶視之矣此寔君之幽懷隱衷而今嘗爲世道不平者也君有此情君不自鳴今茲墓石我爲君銘若復不書孰慰幽冥唯茲勒石未貽今名嗚呼九原不可作矣後死者有經世用人之責其尚鑒往昔以爲法程

胡母莊孺人墓誌銘

胡母莊孺人故山東叅政鶴溪莊公禪之季女也年及笄歸於錦衣衛冠帶舍人一山胡君懌胡與莊皆常州武進望族之先宋有文恭公宿歷官尚書右

丞正色立朝雖包孝肅公亦嚴憚之子宗炎直龍圖閣從子宗愈交脩並尚書學士曾孫唐老爲殿中侍御史世將爲寶閣學士奕世趾美克紹文恭之傳迨我革除庚辰其裔孫忠安公潑舉進士積官太保尚書敝歷五朝雖風流遜於前人而榮華則過盛矣迨正靖間光祿丞願廷尉評統貴不期驕富不期侈而甲第輿馬聲樂服御率揮霍閭里莫之與京孺人之歸正值其時語夫子一山君曰不論先世文恭公之家規即如忠安公亦不如是也乃遂徹減華飾崇尚儉朴且謂賜第警蹕築園於城隈因徙居焉夫婦

以清約自守慕雞鳴昧旦之風至於家廟之歲時祭  
享舅姑之朝夕奉養夫子之親賢友善則躬視中饋  
必致澆腴先遭舅喪致哀服勞贊助以終襄事姑郤  
安人性嚴年旣高尤更責備孺人左右起居爲諸婦  
先獨得其歡心及處妯娌則又雍睦無間言旣而一  
山君以痼疾不起孺人年方四十餘哀毀幾不能生  
率諸子營塋如禮遂自稱未亡人志在廬墓而不欲  
有其名乃攜幼子缺同居墓側別墅以便展省督婢  
僕耕織以給衣食曰倘且暮死則同穴矣迨缺殤諸  
子固請歸養乃屏居一室績紡如故而潛復悲思恒

切未亡之念時兩女雖嫁三子猶未娶孺人執箠寡  
居莫爲幹蠱不得已命長子鉤輟學以支門戶仲子  
鉦穎敏不凡遂屬意問學時時語之曰汝先世文恭  
公之德政文章忠安公之功名富貴最後光祿廷評  
公之豪華任俠皆光顯門閥者也汝將誰適乎聞鄉  
居有薛先生者汝性師之當知所決擇矣鉦由是從  
余游績學好問敦行藝文譽望日起沂忠安以上追  
文恭當必有特而人品之次第則固其習中所素定  
也君子謂胡氏其有後哉寔孺人之教之也錦衣勲  
蔭嗣職久缺族人以次屬鉦孺人曰武官雖榮武弁

上吾子當策名賢科以繼世業乃止是耶遂寢季子  
銑例授冠帶孺人曰旣受官牒必從公府任使而以  
名公鉅卿之子弟顧爲厮役吏耶吾不願而爲也亦  
竟沮之嗚呼若孺人者雖古之賢淑亦何過哉獨以  
君子不及借老而代之有終勞勤悲傷竟嬰熱疾隆  
慶辛未七月三日疾劇而卒距其生弘治己未七月  
二十二日享年七十有三卒之明年壬申十一月二  
十日鈞等扶柩葬于薛舍村新阡合一山君兆子男  
三長即鈞娶宜興萬氏繼娶孫氏次即鉅今更名公  
瑜府學生娶宜興沈氏次即銑側室李出娶丘氏女

三長適常德府經歷無錫華元望次適太學生無錫  
王望道次亦李出適醫士宜興王與臺孫男女十九  
人曾孫男女三人婚聘皆士族詳具做弦徐進士常  
吉狀見巖王太學望道所敘行實中見巖以孺人之  
婿知內行最悉余及做弦與孺人之仲子有師友之  
誼而次兒近洙又仲子之婿通家之知素矣余於墓  
前之誌其何敢辭遂按狀書其大者而繫之以銘銘  
曰於維胡莊懿德芬芳追先啓後曰唯義方相夫教  
子淑慎否臧行不踰闕徽音孔光言念君子時切悼  
亡青春白首末矢不忘三十餘年竟爾合璧同此幽

堂維天佑賢後必永昌佳城鬱鬱行鋤龍章

吳起南墓誌銘

起南吳君之卒也諄諄語其子弟曰必請薛先生銘墓前之石旣而其弟應實與其從子一成各狀君之行實詣余請銘余惟君之父胥巖先生爲邵文莊公館甥而文學行誼寔公高第弟子余少時師事文莊胥巖一見遂與余訂交最後余孫敷政爲起南婿者寔是焉始胥巖古雅恬淡超然物外不問家人產業起南承之有父風雖家事日落而惟事讀書論道更不屑於治生甚至瓶粟屢罄浩然不加之意原于郡

學者數年升斗之入亦足以給朝夕顧又多爲司計者侵尅一不與校推其立心制行直以古聖賢爲必不可幾以經傳載籍爲必可依憑居常則手不釋卷遇人不問賢否其發言持論必追古昔稱先王其諸時輩名流未有犁然當於其意者以故督學郡守與夫鄉黨朋友之賢者咸推君賢稍有不然者則以君爲迂腐且或有擯而棄置者矣君故產多售於人而籍尚未除有司按籍仍編稅長君雖嘗一訴於郡邑而抗言直論不能爲近時低眉曲跽之態竟置勿理君家貧子少應門無人遂以青衿服役躬親籌爨僕僕

於閭井胥徒中大拂平生所性然夜居舍困中猶朝  
朗誦古人書不輟或至子夜猶聲徹戶外也雖然亦  
竟以是得疾死矣君屢試應天不第君子旣已惜之  
乃今一至是焉謂之何哉豈天寔爲之抑亦阨於所  
遇然也昔曾與三日不舉火而歌聲若出金石原思  
併日而食而陋同列之結駟假令君在聖門將非曾  
原其人也太史公謂孔門弟子附驥尾而名益彰茲  
君遇非其人而身因以歿天邪人邪遇邪不遇邪要  
皆非君之所論也君名應祈字順伯起南其別號也  
父卽胥巖先生汝憲母邵氏卽文莊公仲子吳爲常

州無錫著姓出自延陵季子世有聞人余嘗爲胥巖  
作誌旣已述之矣其余所未詳者按狀書之君生於  
正德庚辰正月十七日卒於萬曆癸酉五月十八日  
年僅五十四初娶黃經歷守弦女繼娶何繼娶史皆  
武進士族子男四長道成娶武進何次德成聘武進  
楊次性成未聘俱何出次教成尚在襁褓史出女三  
長適縣學生華道夫黃出次卽適余孫敷政武進縣  
學生次受龔朝聘俱何出茲卜以卒之年十一月某  
日塋於河濱第一灣祖塋之次君塋之日家無餘貲  
而孤寡莫能爲處載觀一成之狀尤更悲切讀之不

忍終篇遂三歎而爲之銘曰

古稱君子謀不在食憂不在貧於維吳君展如之人  
其身則阨其志則伸不忘溝壑柰何乎君庶幾往哲  
原靈曾參道苟在是餘何足云終天無怨求仁得仁  
特書墓石永慰幽貞

西溪蔣君暨室楊孺人合墓誌銘

西溪蔣君卒年八十有四厥配楊孺人先卒君平居  
時每語其孫進士如京曰汝大毋墓未有銘吾所遺  
憾吾死之日當併圖之且自言吾平生無善可稱惟  
述吾姓名履歷生卒葬年月日聊以識吾墓耳慎無

爲誇詡之詞貽吾泉壤羞也至是君之子同言令如  
京狀君行實詣余請銘且道君遺言余謂卽此數語  
賢於人遠矣而余孫敷教又君之曾孫婿也忝在姻  
誼其何敢辭遂按狀書之君名盥字守敬西溪其別  
號也蔣之先出秣陵尉子文之後宋有名之奇者魁  
廷對官翰林樞密居常州宜興之蔣村詳具宋史列  
傳元季有名銘者徙居郡城爲武進著姓我洪武中  
有名繼祖者君之曾祖也繼祖生能能生容號東川  
成化初以禮經試于鄉及南宮皆魁選衰然爲名進

士守蒲潞潼川三州文章氣節赫有聲稱君其第五

子也時君之兄益姪同仁偕舉進士而君於家庭間自相師友脩進士業正德戊辰補郡學生應例入太學辛未丁父憂哀毀骨立遂謝塲屋嘉靖辛卯赴選部或謂君託父兄故舊可得美選君咲曰丈夫不能自立而欲藉父兄之勢博美官乎既選授岷府審理君怡然之任輔導匡弼不少阿徇再踰年思母吉太宜人年高乞回省養乙未居太宜人憂喪具經費皆出自君一不煩諸兄弟曰親喪固所自盡也服闋以家務委長子同方復赴選改授吉府盡職如初每自歎曰賈誼董仲舒漢之名儒猶相長沙江都余何人

哉敢不旣厥心而有他慕乎在任三年恒思省墓乞歸旣長史司屢檄郡縣促起君遂請老致仕迨隆慶改元詔進階儒林郎君家居每月朔望率子孫恭謁家廟望闕叩拜訓子孫唯務實學不蹈紛華矯僞之習辛勤儉朴率以身先至語文詞每舉東川翁兩試魁卷及當時鄉會錄以示之曰此前輩制文所宜爲式勿效近時浮靡掇拾以壞文體每博訪四方名士延與諸子孫游講究誦讀雖夜深時猶至其戶外聽之及如京舉甲子鄉試恒勗以遠大謂此非歇脚處也如京以學行名時寔君之教居多君性簡重不阿

嘗對余稱鄉先輩舊德甚不喜俗態且曰毛古菴徐  
養齋唐荆川近時所難得也嗚呼茲可以觀君矣唯  
綜理治生則纖悉不遺亦自歎曰吾不意垂老猶爲  
幼穉作臧獲是君之情豈得已哉君娶楊孺人其祖  
璿爲都御史無錫世族甫筭歸君婉婉聽從躬治絲  
枲克相家業數置側室有樛木小星之風事吉太宜  
人尤盡婦道君雖從仕于外而太宜人不知子之去  
左右也先君四十餘年卒君終身不再娶君子義之  
君生於弘治己酉十二月十二日卒於隆慶壬申九  
月十六日享年八十有四孺人生於弘治癸丑卒於

嘉靖癸巳年僅四十有二子四長同方太學 卽如

京父先卒娶毛次同言府學生娶段俱孺人出次同  
音縣學生娶鄭繼娶黃次同享娶金俱側室陳出女

二一孺人出適府學生陸性學一陳出適鄉進士唐  
大卿孫男六長卽如京鄉進士次如金如川如玉俱

縣學生如星如某尚幼孫女六曾孫男十士隆士登  
士奎士選士恩士承士德士達士遇士達曾孫女十

一婚聘皆士族詳具如京狀中同言如京等以萬曆  
改元癸酉十二月某日啓楊孺人窶合窆于郡城南

某村之原禮也銘曰

世祿由禮古以爲難矧君夫婦族貴且蕃恭儉刑家  
茁玉森蘭孫枝挺秀尤更不凡行將膺仕爲世瓊璫  
寵光追錫永賁斯壻

方山先生全集卷三十三

二十七

10231

方山薛先生全集卷三十三

UNIVERSITY OF TORONTO LIBRARY

